

মুহূর্তীন প্রাণ

শ্রীধর্মদাস ঘিন্ট

কমলা বুক ডিপো
কলিকাতা

প্রকাশ করেছেন—শ্রীকৌরোদলাল দত্ত
কমলা বুক ডিপো
১৫নং বঙ্গ চ্যাটার্জী হাউস
কলিকাতা।

মুদ্রাকর—শ্রীবিভূতিভূষণ বিশ্বাস
শ্রীপতি প্রেজ
১৪নং ডি, এল, রাম হাউস,
কলিকাতা।

[প্রথম সংস্করণ, ১৫ই আগস্ট (স্বাধীনতা দিবস) ১৯৪২]

পাঁচ সিকা

উৎসর্গ

শ্রীমান দৌপকরুমাৰ মিত্র

ও

কুমাৰী তৃণমুনী মিত্র

তোমৰা যখন বড় হবে, তখনো হয়ত আমি থাকবো,
হয়ত' বা থাকবো না, তবু অনুরোধ রইলো, দেশেৱ মুক্তি যজ্ঞে।
ষাঠা দিল আত্মবলি, তাঁদেৱ ত্যাগ, ত্যাগেৱ নিষ্ঠা, তাঁদেৱ
দেশাত্মবোধ যেন তোমাদেৱ আদৰ্শ হয়। ইতি :

বেদেল পেপাৱ মিল, কোষ্টাঁৱ
ৱাণীগত।

শুভামুধ্যানে
শ্রীবৰ্ণবাল মিত্র

=শোমে মন দিয়ে=

বিশ্বকবি. রবীন্দ্রনাথ, দেশবন্ধু চিত্তরঞ্জনের মহাপ্রয়াণের হিন্দে
লিখেছিলেন—

“এনেছিলে সাথে করে,

‘মৃত্যুহীন প্রাণ,’
মরণে তাহাই তুমি
ক’রে গেলে দান।”

ভবিষ্যৎ জৃষ্ট ধৰ্ম কবির সে বাণী সার্থক হয়েছে ; মৃত্যুর পরেও অমরত্ব
সাত করেছেন দেশবন্ধু,—বাঙালীর তথা ভারতবাসীর হৃদয়ে ; মৃত্যু
তাকে মুছে দিতে পারেনি, কালের প্রলেপ তাঁর শুভিকে এতটুকু
মান করতে পারেনি ।

মৃত্যুহীন প্রাণ উপগ্রাস্থানিতে দেশভক্ত শহীদ শ্রীমন্ত ও ঘোগেশ-
চন্দ্রের যে কাহিনী বর্ণিত হ'য়েছে, তা' বাঙালীর মর্মের কথা ; তাই
তা'র সাড়া মিলেছে, সত্যবৃত্ত ও গোলাম মহস্তদের যত বাঙালীর
অগণিত কিশোর-কিশোরীর হৃদয়ে ; তাদের স্বতঃস্ফূর্তি অভিনন্দনে
ধন্ত হ'য়েছে,—শিশু-সাহিত্যের ঘান্তকর প্রভাতকিরণের সন্মেহে দেওয়া
নাম, “মৃত্যুহীন প্রাণ”, স্মষ্টির সার্থকতার আনন্দে ধন্ত হ'য়েছে গ্রন্থকার ।

“ভাই-বোনে” ধারাবাহিকভাবে প্রকাশের সময়, হাজার কর্তৃ
যে কলঘনি উঠেছিল, পুস্তকাকারে প্রকাশের সঙ্গে সঙ্গে তেজনি
বইখানি বাঙালাদেশের প্রত্যেক ছেলেমেয়ের সাদরে গ্রহণ করলে
প্রকাশকের শ্রম ও অর্থব্যয় সার্থক হবে । শ্রদ্ধান্বিত অঙ্গুসরণ ও আদর্শ-
নিষ্ঠাই যেন বাঙালীর ছেলেমেয়েদের ব্রত হয় । ইতি :

বেঙ্গল পেপার মিলস কোং লিঃ }
 বাণীগঞ্জ : }
 ১৫ই আগস্ট, (স্বাধীনতা দিবস) }
 ১৯৪৯ সাল । }

শুভার্থ—
গ্রন্থকার



এক

বন্দীর অবস্থা খারাপ ; রোগশীর্ণ মণিবন্ধটির নীচের দিকে
বৃক্ষাঙ্গুষ্ঠ এবং ওপরের দিকে ছ'টি আঙুলের মুছ চাপ দিয়ে বৃক্ষ
জেলডাক্তার রোগীর নাড়ি পরীক্ষা ক'রছেন, তাঁর নিজের রিষ্ট-
ওয়াচটির সেকেণ্ডের কাঁটাৰ দিকে দৃষ্টি তাঁর হিল-নিবন্ধ। ঘড়ির
সেকেণ্ডের কাঁটা ঠিকই চ'লেছে, তা'র গতি এতটুকু কমে-
বাঢ়েনি ; সেকেণ্ড থেকে মিনিটে, মিনিট থেকে ঘণ্টায়...ঘণ্টা
থেকে দিন, মাস, বৎসরের ওপর তা'র যাত্রাপথ বিস্তৃত ; রোগীর

মৃত্যুহীন প্রাণ

২

কিন্তু নাড়ির অবস্থা অত্যন্ত খারাপ, অত্যন্ত ক্ষীণ, অস্পষ্ট হয়ে আসছে নাড়ির গতি, তার চলা হয়ত কয়েক ঘণ্টা পরেই চিরতরে থেমে যাবে।



কালরোগঃ মাঝের,—ডাক্তারের শক্তি নেটে তা'কে প্রতিরোধ ক'রতে পারে, বাঁচাতে পারে রোগীকে মরণের হাত থেকে ; তাই চারিদিকে উচু উচু প্রাচীর ঘেরা, লোহার বেড়া দেওয়া জেলের ভেতর বন্দী শ্রীমন্তের জীবনের দীপটি কৈশোরেই নিভে আসছে। রাজবন্দী শ্রীমন্ত ; রোগা, পাতলা লাজুক ছেলেটি এতবড় ছঃসাহসের কাজ ক'রলো কি ক'রে ভাবতে গিয়ে জেল-ডাক্তার অবাক হ'য়ে যান ; আজ প্রায় তিরিশ বছর হ'তে চ'ললো তিনি সরকারের অধীনে চাকরি করছেন জেল-ডাক্তার হিসেবে, ছোটখাট মফঃস্বল সহরের জেলখানা

থেকে সুরু ক'রে আলিপুর, হিজলী, লক্ষ্মী কত বন্দীনিবাসই
তিনি ফিরলেন, কত লোকের সঙ্গে জানাশোনা হ'লো, কত
ধরণের কত বিচ্ছিন্নকমের বন্দী দেখলেন জীবনে...চোর, ধূর্ত,
গুণা, বদমাইস, ডাকাত ; পেটের দায়ে, ক্ষুধার জ্বালা মেটাতে
খুন খারাপি, চুরি ডাকাতি ক'রে জেলে এসেছে...কারও সাত,
কারও আট, কারও ন'বছর, কারও বা যাবজ্জীবন কারাদণ্ড
হ'য়েছে ; সেদিকে হ'স নেই, খেয়াল নেই, বেশ আছে,—যেন
নিজের বাড়ী, খাওয়া-দাওয়া, নাচ-গান, হল্লা সবই চ'লেছে ;
ডাক্তারবাবু এই দেখে আসছিলেন বেশীর ভাগ, হঠাৎ যেন তাল
কেটে গেল, চাকা গেল ঘুরে...প্রথমে একটি হ'টি, পরে দলে
দলে এক নৃতন ধরণের বন্দী জেলে আসতে লাগলো, তা'দের
না আছে পেটের ভাবনা, না আছে জামাকাপড়ের ভাবনা, বড়
বড় ঘরের ছেলে...সাদা খদরের পাঞ্জাবী গায়, মাথায় খদরের
টুপি, সাদা মোটা ধূতি পরণে, পায়ে চঢ়ি জুতো, আসতে
লাগলো একজনের পর একজন, তা'দের পিছনে পিছনে জেলের
গেট পর্যান্ত আসতে লাগলো বড় বড় গাড়ী, অগণিত জনতা ;
ডাক্তারবাবু জেলের অফিস থেকে চোখ তুলে দেখতেন, বিশ্বয়
জ্বাগতো ; চশ্মাটা অকারণেই মুছে নিতেন একবার ; বাড়ী
গিয়ে ব'লতেন—কি রকম খামখেয়ালী লোক দেখ—কী ভাবনা
বাবু তোর, অত টাকা অত লোকজন, বন্ধু, বান্ধব, আঝাঁয় ছেড়ে
সখ ক'রে জেলে আসতে সাধ যায় কি ক'রে বল দেখ ?

তাঁর ছেলেটি বিশ্বয়ভরা চোখে তাঁর দিকে তাকিয়ে থাকতো :
বাপের মতই তা'রও মনে হ'তো—হ্যাঁ, তাই ত ! সখ ক'রে

জেলে আসে লোক কি স্বর্থে ? ...জেল, বানি...সতরঁকি
বোনা...প্রেসের মেসিন...ফাসির মঞ্চ, সব মনে প'ড়ে যায়
ছেলেটির...চিন্তা এসে ফাঁসীর মধ্যে ঝুলে পড়ে : বইখানা খুলে
প'ড়তে সুরক ক'রে দেয় ‘লেট্ এ, বি, সি, বি এ ট্রায়্যাঙ্গল !’...

চুটী

অদূরে শ্রীমন্তের মা ব'সে আছেন শ্রীমন্তের মাথায় হাত
রেখে ; হতভাগিনী বিধবা মায়ের একমাত্র সন্তান শ্রীমন্ত ;
অপলক চোখে মা তাকিয়ে আছেন তাঁর সন্তানের মুখের পানে...
তাঁর ছুটি চোখে বেদনা ঝরে প'ড়ছে, মুখে কিন্তু স্থিত ম্লান
হাসি : কিসের যেন পরিত্বিতে মায়ের মুখ উত্তোলিত হ'য়ে
উঠেছে, কিসের যেন গৌরব...তিনি আজ হারানোর মধ্যে দিয়ে
যেন বড় কিছুর প্রত্যাশা করছেন ।

—মা, মা,...ওমা ! শুনতে পাচ্ছ না ! বিকারের ঝোকে
একটানা বিলাপ ক'রে চ'লেছে শ্রীমন্ত—এই যে বাবা আমি...
এই যে তোর মাথার কাছে ব'সে আছি ; মা শ্রীমন্তের মুখের
উপর ঝুকে পড়েন ; পরমুহূর্তেই শ্রীমন্ত কেমন একরকম বিশ্঵ায়-
তরা চোখ মেলে তাকায় চারিদিকে, বলে—ভারতবর্ষ ! আমারঃ
সোনার ভারতবর্ষ !

ডাক্তার নাড়ি পরীক্ষা করেন আবার ; একটা পঁচিশ সিসি
মুকোজ ইন্জেক্সনের টিউব ও একটি বড় ছুঁচ বের করেন ;
তরল মুকোজটি ইন্জেক্সনের সিরিজে টেনে নিয়ে পরীক্ষা করে

দেখলেন একবার, তারপর শ্রীমন্তের রোগশীর্ণ হাতখানিতে শিরা খুঁজতে লাগলেন; কঙ্কালসার পাণ্ডুর দেহ, ডাক্তার একবার হতাশ চোখে মায়ের দিকে তাকালেন,.....যেন পাষাণ প্রতিমা !

ইন্জেক্সনের ছুঁচটি যেন হাড়ের মধ্যেই এফোড় ওফোড় হ'য়ে গেল ; জ্ঞানহীন রোগী এতটুকু যন্ত্রনাকাতের শব্দ পর্যন্ত ক'রলো না ।

শ্রীমন্তের বড় বড় অগোছালো চুলগুলির ওপর মা আঙ্গুল চালিয়ে হাত বুলোচ্ছিলেন । মাত্র কয়েকদিন পূর্বে রোগীর অবস্থা হতাশজনক দেখেই জেলের মধ্যে মাকে আসার অনুমতি দেওয়া হ'য়েছিল । মা যখন এসেছিলেন তখনও জ্ঞান ছিল শ্রীমন্তের ; ত'চারটে কথা হ'য়েছিল মায়ের সঙ্গে, তারপর কয়েক বার রক্তবন্ধি করার পর সে নিষ্ঠেজ হ'য়ে প'ড়েছিল ক্রমশঃ, জ্ঞানও হারিয়ে গিয়েছিল ধৌরে ধৌরে ; দীর্ঘ কারাবাসের কঠিন পরিশ্রম, অত্যাচার ও নির্যাতন সহ ক'রে ক'রে কালব্যাধি ধরে গেল শ্রীমন্তের । প্রথমে খুক্খুকে কাশি, সেইসঙ্গে ঘুসঘুসে জ্বর দেখা দিল, দেহ দুর্বল ক্ষীণ হ'য়ে আসতে লাগলো ; তারপরই সুরু হ'লো রক্ত ঝঠা ; কফ ও খুতুর সঙ্গে চাপ চাপ রক্ত... যক্ষ্মাকৌটে খেয়ে দেওয়া ফুসফুস থেকে রক্তপাত ; তার ওপরেই চলেছিল জেলের শাসন, অমানুষিক খাটুনি ; বন্দীদের প্রতি, বিশেষ ক'রে রাজবন্দীদের প্রতি বৃটিশ সরকারের আক্রেণের অন্ত ছিল না । তাঁদের মতে এরা বিপ্লবী, শৃঙ্খলা-ভঙ্গকারী !

ପୋଷାକୁକୁର ଦେଖେଛ ତ' ତୋମରା ! ମୁଖ ବାଁଧା ଥାକେ, ପ୍ରଭୁର ଉଚ୍ଛିଷ୍ଟେ ଉଦର ପୂର୍ଣ୍ଣ କରେ ଏବଂ ତାର ବନ୍ଦିହେର ମାରଖାନେଇ ପ୍ରଭୁର ପ୍ରତି ନିଷ୍ଠା ଓ ଭକ୍ତି ଦେଖାଯ ଲେଜ ନେଡ଼େ । ୧୦୦ ଶାସନକାରୀରା ଭାରତ-ବାସୀକେ ଠିକ ତେମନିଭାବେଇ ରାଖିତେ ଚେଯେଛିଲୋ ; ତାରା ସେ ଏକଦିନ ବନ୍ଦିହେର ପ୍ରତିବାଦେ କୁଥେ ଦୀଢ଼ାତେ ପାରେ, କାମଡ୍ ଦିତେ ପାରେ, ଏ ଧାରଣା ଶାସକଦେର ଛିଲ ନା ; ତାଇ ବିଜ୍ଞୋହ ଦମନ କରାର ଜଣ୍ଠ ତାରା ଏକେର ପର ଏକ, ପରେ ଦଲେ ଦଲେ ଦେଶ-ଭକ୍ତକେ କାରାକନ୍ଧ କ'ରେ ରାଖିତେ ଶୁରୁ କରଲୋ ।

ସ୍ଵାଧୀନତା, ୧୦୦ ମାତ୍ର ହ'ଯେ ମାତ୍ରରେ ମତ ବେଁଚେ ଥାକବାର ଅଧିକାରକେ ତାରା ରାଜଜ୍ଞୋହ ଆଖ୍ୟା ଦିଲୋ ; ଉନିଶ ବଚରର ତରୁଣ ଶ୍ରୀମନ୍, ଏହି ଧରଣେର ବନ୍ଦୀ ରାଜଜ୍ଞୋହୀ ସେ ; ତାଇ କାଲବ୍ୟାଧିତେ ଆକ୍ରାନ୍ତ ହୋଯାର ପରା ସେ ମୁକ୍ତି ପେଲେ ନା କାରାଗାର ଥେକେ ; ସରକାର ତା'ର ଚିରମୁକ୍ତିର ଜଣ୍ଠ ପ୍ରତୀକ୍ଷା କରତେ ଲାଗଲୋ ।

ଡାଙ୍ଗାରେର ମନେ ପଡ଼େ, ତିନି ଛ'ମାସ ଆଗେ ଶ୍ରୀମନ୍ତକେ ମୁକ୍ତି ଦେବାର ଶୁପାରିଶ କରେଛିଲେନ ଗଭର୍ଣମେଣ୍ଟେର କାହେ ; ଓଦିକ ଥେକେ କୋନାଓ ସାଡା ମେଲେନି ।

• ତିଳ

ମରଣୋମୁଖ ସମ୍ମାନେର ଶିଯରେ ବ'ସେ ମାୟେର ମନେ ପ'ଡ଼େଛେ ଶ୍ରୀମନ୍ତର ଏକୁଶ ବଚରେ ଜୀବନେର ଖୁଟିନାଟି, ଆଦର ଆଦାର, ହରତ୍ତପନା । ୧୦୦ ଆଁତୁଡ଼ ଥେକେ ଶୁରୁ କ'ରେ ଜେଲଖାନା ପର୍ଯ୍ୟନ୍ତ ତାର ଶ୍ଵରଣେର ପଥ ବିସ୍ତୃତ ହ'ଯେ ଗେଛେ । ... ଶ୍ରୀମନ୍ତ ସଥନ ଜମେଛିଲ, ମାତଥନ ଅସୁର୍ଖ ; ରୋଗଜୀର୍ଣ୍ଣ ମାୟେର କୁଞ୍ଚ ପୁତ୍ର ଶ୍ରୀମନ୍ତ ଭୂମିଷ୍ଟ ହ'ଯେ-

କାନ୍ଦେନି ପର୍ଯ୍ୟନ୍ତ, ସବାଇ ଭେବେଛିଲ ମରା ଛେଲେ ପ୍ରସର କ'ରେଛେ
ହୈମବତୀ ; ସୁନ୍ଦା ଦାଇ କିନ୍ତୁ ଦମେନି ; ହ'କ୍ ସେ ଅଶିକ୍ଷିତା ଗ୍ରାମ୍ୟ
ଛୋଟ ସରେର ମେଯେ, ତବୁ ତା'ଦେରଙ୍କ ଭଗବାନ୍ ଆହେନ, ଅଞ୍ଚଳେର
ଭଗବାନ୍, ତଥାକଥିତ ନୀଚଜାତିର ଭଗବାନ୍ ; ତାଇ ଦାଇ କଠିନ
ଶପଥ କ'ରେ ଆଶ୍ଵାସ ଦିଯେଛିଲ—ଏହି ଆମି ଦିବି କ'ରେ ବଲଛି
ମା, ଆମାର ହାତେର ଛେଲେ ଯଦି ମରା ଛେଲେ ହୟ, ତବେ
ଭଗବାନ ମିଥ୍ୟ !

ଗରମ ଲାଲ ଏକଟା ତାଓୟାର ଓପର ଫୁଲେର ଝିଲ୍ଲିଟା ଠେକିଯେଛିଲ
ଦାଇ, ସଙ୍ଗେ ସଙ୍ଗେ ଶିଶୁ କେଂଦେ ଉଠେଛିଲ ; ମାୟେର ମୁଖେ ହାସି ଫୁଟେ
ଉଠେଛିଲ ; କାନେର ଥିକେ ସୋନାର ଫୁଲ ଛଟି ଖୁଲେ ଦାଇକେ ଦିଯେ-
ଛିଲେନ ; ପରଦିନଇ ଶ୍ରୀମନ୍ତେର ବାବାର ନାକି କଯେକ ଟାକା ମାଇନେ
ବେଡ଼େଛିଲ ; ବାଡ଼ୀର ସକଳେ ବ'ଲେଛିଲ ଏହି ନିଯେ—ପରମନ୍ତ ଛେଲେ
ହ'ଯେଛେ ତୋର ହୈମ ; ତୋଦେର ହୁଃଖ ଏବାର ସୁଚବେ ; ଓର ନାମ
ରାଖ ଶ୍ରୀମନ୍ତ । ସେହି ଦିନ ଥିକେଇ ଶିଶୁର ନାମକରଣ ହ'ଯେଛିଲ
ଶ୍ରୀମନ୍ତ । · ମାଥାଯ କୋକଡ଼ା କୋକଡ଼ା ଏକରାଶ ଚୁଲ, ଫରସା ରଂ,
ଆୟତ ଦୁ'ଟି ଭାସା ଭାସା ଚୋଥ...ଶୀର୍ଣ୍ଣ ଶିଶୁ ଶ୍ରୀମନ୍ତେର ମୁଖଥାନା
ଆଜିଓ ସ୍ପଷ୍ଟ ମନେ ପଡ଼େ ମାୟେର ; ଦୁଧଟୁକୁ ପର୍ଯ୍ୟନ୍ତ ଗିଲତେ କଷ୍ଟ
ହ'ତୋ ଯେନ ଛେଲେର ! ନେକ୍ଡାର ପଲତେଯ କ'ରେ ଏକ ଦେଡ଼ମାସ
ତା'କେ ଦୁଧ ଖାଇଯେଛିଲେନ ମା ;—ମା, ମାଗୋ ! ସବ ରଙ୍ଗେ ରାଙ୍ଗା
ହ'ଯେ ଗେଲ ମା !

ବାବା ! ମାଣିକ ! କୋଥାଯ ରଙ୍ଗ ? ଏହି ଯେ ଆମି ତୋର
ପାଶେ ବ'ସେ ଆଛି !

—ନା, ନା ଆମାକେ ମେର' ନା ତୋମରା, ଆମାର ନଥେ ଛୁଟ

ফুটিয়ো না অমন ক'রে ! ওদের কারুকেই আমি চিনি না ; সুর
বদলে আবার বিকারের ঝোকে বলে—চেনো না ! সব চেনো
তুমি ! বলতেই হবে তোমাকে !—উঃ মাগো ! এর পর
কঠস্বর দৃঢ় হ'য়ে উঠে রোগীর—না, আমি ব'লবো না ।

ডাক্তার আগিয়ে আসেন ;—আইস্‌ ব্যাগটা মাথায় দিন
ত রোগীর ! বিকার কিনা, ভুল ব'কুছে !

—ভুল ! মান ব্যাথাক্লিষ্ট হাসিতে হৈমবতীর মুখখানা
অপূর্ব দেখায় । আইস্‌ ব্যাগটা শ্রীমন্তের মাথার ওপর দিয়ে
ভাবতে থাকেন মা ।

চাক্র

জেলডাক্তারের সেই ছেলেটিও আজ অনেক বড় হ'য়ে
উঠেছে ; শ্রীমন্তেরই প্রায় সমবয়সী সে ; রাজবন্দীদের দেখে
আজ তা'র বিশ্বয় জাগে না, নিজের স্বার্থ ও গণস্বার্থ অর্থাৎ
সমস্ত ভারতবাসীর স্বার্থের পার্থক্য সে বোঝে আজকালঃ তাই
তা'র চোখে শ্রীমন্তের মত রাজবন্দীরা আর শুধু কৌতুহলের
জিনিষ নয়—দেশের পক্ষে, জাতির পক্ষে, সমাজের কল্যাণের
পক্ষে এদের প্রয়োজনীয়তা সে মনে মনে উপলব্ধি করে ; তাই
বন্দী শ্রীমন্তের অবস্থা আশঙ্কাজনক, বাপের কাছ থেকে এই
থবর পেয়ে শ্রীমন্তকে দেখতে চ'লে আসে জেলের ভেতর ;
জেলডাক্তার ইন্জেক্সনের সিরিজে ক্যালসিয়াম ভরছিলেন,
হঠাৎ ছেলেকে সেখানে দেখে তাঁর হাত কেঁপে গেল ; সরকারী
চাকুরে ;—জেলডাক্তারের ছেলে এসেছে রাজবন্দীকে দেখতে !

কম্পমান হাত থেকে খানিকটা ক্যালসিয়াম পড়ে গেল, পুরু
চশমার কাঁচের ভেতর দিয়ে বড় বড় চোখে তাকিয়ে থাকলেন
তিনি ; কিছুক্ষণ বাক্যস্ফূর্তি হ'লো না তাঁর : তারপরে
ব'ললেন—তুমি, তুমি এখানে কেন ?

—শ্রীমন্তদাকে দেখতে ! বেশ ধৌর কর্তৃ জবাব দিলে ছেলেটি ।

—শ্রীমন্তদাকে দেখার লোকের অভাব নেই ; সরকার,
পুলিশ থেকে সুরু ক'রে আমি পর্যন্ত তা'কে দেখছি !

—লোকের মতন লোক তাকে দেখার নেই বাবা, এক
আছেন মা, ...আর এক আছেন আপনি, ডাক্তার ; রোগীর
জীবনমরণ আপনার ওপর নির্ভর করছে, ...কিন্তু আপানও
হৃকুমের চাকর ; আপনাকে যদি বিষ দিতে বলে, আপান
তাই দেবেন !

—কি ব'ললে ? কি ব'ললে তুমি আমার মুখের ওপর ?
বেয়াদপ ছেলে ! বাপের মুখের ওপর কথা ব'লতে লজ্জা করে
না তোমার !

—অন্তায়, অধর্ম্ম আমার পক্ষে যতটুকু, রাজার পক্ষে
ততটুকু, একথাটা ভুলে যাবেন না বাবা !

রাগে অপমানে কাঁপতে লাগলেন ডাক্তার : চৌঙ্কার ক'রে
উঠলেন—বেরিয়ে যাও, বেরিয়ে যাও তুম আমার স্বমুখ থেকে !
কে তোমাকে এখানে ঢুকতে দিয়েছে ?

মা ধৌরে ধৌরে উঠে এলেন শ্রীমন্তের শিয়র থেকে : জেল-
ডাক্তারের ছেলের কাছে আগিয়ে এসে সম্মেহে কাঁধে হাত
রাখলেন, ব'ললেন—ছিঃ বাবা, গুরুজনের সঙ্গে ওরকম ক'রে

কথা ব'লতে মেই ; ওঁরা যা' করেন, তোমাদের ভা'লৱ জগ্নে,
তোমাদের মঙ্গলের জগ্নে বলেন। জগতে বড় কাজ করতে
গেলে, বড় হ'তে হলে এই কথাটি মনে রেখো বাবা ; যাঁরা
শ্রদ্ধেয়, যাঁরা নমস্ত্র, তাঁদের নির্দেশ, তাঁদের প্রদর্শিত পথ ধ'রে
চলতে হয় ।

এতক্ষণে দুর্দুর্ ক'রে কেঁদে ফেললে ছেলেটি : কাঁদতে
কাঁদতে ব'ললে, আমি শ্রীমন্তদাকে দেখতে এসেছিলাম, ০০০ এতে
আমি কি দোষ করেছি বলুন ?

হৈমবতী হাসলেন ! তোমার আমার চোখে যা' দোষ নয়,
তোমার বাবার চোখে তাই হয়ত অন্তায় ব'লে মনে হ'য়েছে,
তাই তিনি তোমাকে ব'কেত্তেন ।

—কিন্তু মাসিমা ! উনি কি জানেন না কিসের লোভে,
কি প্রেরণা পেয়ে দেশের ছেলেরা দলে দলে জেল ভর্তি করছে,
বিপ্লব স্থষ্টি ক'রছে, বোমা তৈরী করছে ; উনি কি জানেন না
এই তরুণদের কাছে দেশের প্রত্যেক মানুষের ঝণ কতখানি !....
আবেগ-ভরাকষ্টে ব'ললে ছেলেটি ।

—জানেন বাবা, সবই জানেন, কিন্তু নিরপায় ; পেটের
দায়ে কেউ চুরি করে, কেউ ডাকাতি করে, কেউ খুন করে,
আবার পেটের দায়েই কেউ মনুষ্যত্ব বিসর্জন দিয়ে চাকরি করে,
....আমার ছেলে হ'লেও শ্রীমন্ত রাজঙ্গোহী ; তার সঙ্গে তুমি
মেলামেশা ক'রলে, ঘনিষ্ঠতা ক'রলে তোমার বাবার চাকরি
বিপন্ন হবে ।

শ্রীমন্ত বিকারের ঘোরে চারিদিকে তাকিয়ে কাকে ঘেন

খুঁজছিলঃ মা আগিয়ে এসে তা'র মুখের ওপর বুঁকে প'ড়লেনঃ
ডাকলেন—শ্রীমন্ত ! বাবা আমার ! কিছু ব'লছ ?
শ্রীমন্ত শুধু অঙ্গুটিষ্ঠরে ব'ললে—অঁয়া !

পঁচ

ছেলেটি এসে শ্রীমন্তের শিয়রে মায়ের পায়ের কাছে
ব'সলোঃ হৈমবতী তা'কে হাত ধ'রে উঠালেনঃ ব'ললেন—না
বাবা ওখানে ব'সোনাঃ রোগটা খারাপ, এর জীবাণু বড়
সংক্রামক !

—আপনি তবে কি ক'রে দিনের পর দিন ব'সে আছেন
মাসিমা ?

হৈমবতী ম্লান হাসতে গিয়ে কেঁদে ফেললেন—ওরে পাগল
ছেলে, আমি যে মা ! আমি কি প্রাণের ভয়ে আজ ওকে দূরে
ফেলে থাকতে পারি !...কিন্ত, কি নামটি বাবা তোমার ?

—আমার নাম সত্যব্রত !

—ভালো নাম, সুন্দর নামঃ ...নামের যোগ্যতা তুমি রক্ষা
করো, এই আশীর্বাদই তোমাকে করছি বাবা !

জেলডাক্তার সিরিঙ্গ ঠিক ক'রে আগিয়ে এলেন ইন্জেক্সন
দেওয়ার জন্যেঃ অকুটিকুটিল চোখে তাকালেন সত্যব্রতের
দিকে ; হৈমবতীকে ব'ললেন—দেখলেন আপনি নিজের চোখে,
এ ছেলের আমি কী ভরসা করতে পারি বলুন ত' ; একেবারে
ব'য়ে গেছে...গুরুজনের কথা মানে না, সে ছেলে বেঁচে থেকে
লাভ কী বলুন ত' ?

—ডাক্তার বাবু। যুগ পরিবর্তনের সময় এসেছে ; আমরা যারা একভাবে জীবনের দীর্ঘ দিন কাটিয়ে এসেছি, তারা বামেলা, ঝঞ্চাট, ছল্লোড়, বিপ্লবে যোগ দিতে ভয় পাই ; কিন্তু নতুন মানুষ এই ছেলেরা যুগ পরিবর্তনের সঙ্গে এরা পৃথিবীতে এসেছে, তাই এদের সময়কার চিন্তার ও কাজের ধারা আমাদের সময় দিয়ে বিচার ক'রলে চ'লবে না !

ডাক্তার বিশ্বিত চোখে তাকিয়ে থাকেন ; মরণোন্মুখ সন্তানের শিয়রে ব'সে মায়ের এই অপরূপ বাণী তাঁকে বিচলিত করে, অভিভূত ক'রে দেয় ।

হৈমবতী একটু থেমে বলেন —আপনি বাল মৃচ্যুকষ্টে জেল স্থপারিটেণ্টকে ব'লেছিলেন আমার শ্রীমন্ত বাঁচবে না.... মায়ের গলা ধরে এলোঃ—কিন্তু আমি তা'তে এতটুকু বিচলিত হইনি কেন জানেন, আমার শ্রীমন্ত আজ ঘরে ঘরে সত্যত্বাতের মত হাজার হাজার ছেলেকে রেখে যাচ্ছে ; আমি তা'দের নিয়ে ভুলে থাকতে পারবো ডাক্তার বাবু !

ডাক্তারের হাত কাঁপতে লাগলো ; তিনি জেল-কর্তৃপক্ষের নির্দেশ ভুলে গেলেন : হাত থেকে ইন্জেক্সনের সিরিঙ্গটা পড়ে চুরমার হ'য়ে গেল ।

—মরফিয়া ! এ অবস্থায় মরফিয়া দেওয়া মানে রোগীর অক্ষমাং মৃত্যু ঘটানোঃ একথা জানিয়েছিলেন তনি : তবু কর্তৃপক্ষের নির্দেশ এসেছিল, আজ মরফিয়াই তাঁকে দিতে হবে ।

ডাক্তার হঠাতে একটু বিচলিত হ'লেন ; ঘরময় অঙ্গীরভাবে পায়চারী করলেন, কয়েকবার রোগীর শীর্ণ হাতখানি তুলে নিয়ে

নাড়ি পরীক্ষা ক'রলেন : তার পর হঠাৎ দ্রুতপদে বেরিয়ে
গেলেন।

সত্যব্রত উঠে গিয়ে টেবিলের ওপর ইন্জেক্সনের খালি
টিউবটার লেবেল প'ড়ে শিউরে উঠলো—মরফিয়া !

ছন্দ

হৈমবতী সত্যব্রতকে অনেক বোঝালেন : মাত্র আঠারো
বছর বয়স তা'র, সরকারী চাকুরের ছেলে, উজ্জ্বল ভবিষ্যতের
ছবি মেলে ধরলেন তার চোখের সামনে ; তা'কে ঘরে ফিরে
যেতে অনুরোধ ক'রলেন : সত্যব্রত কিন্তু অচল, অটল হয়ে
ব'সে থাকলো, দৃঢ়কর্ষে ব'ললে—তা' হয় না মাসিমা, আর আমি
ফিরতে পারি না : আপনি জানেন না—রাজদ্রোহীদের বিরুদ্ধে
কী গভীর বড়্যন্ত্র চলেছে : কানকে বিশ্বাস করবেন না, আমার
বাবাকে পর্যন্ত না ; নিজে হাতে শুধু খাওয়াবেন, ইন্জেক্সনের
শুধু পরীক্ষা ক'রে তবে ইন্জেক্সন করতে দেবেন ; আমরা
মায়ে ছেলেয় শ্রীমন্ত-দাকে বাঁচাবো !

মা যেন এতক্ষণে কিছু বুঝতে পারলেন ; সন্মেহে সত্যব্রতের
মাথায় হাত বুলিয়ে দিয়ে বললেন—মাছুষের জন্ত যদি তোমার
মন এমনি ক'রে কাঁদে, তবে মাছুষের ভগবানই তোমার মঙ্গল
করবেন বাবা !

—শ্রীমন্ত-দা কী করেছিলেন যার জন্তে তিনি হলেন
রাজদ্রোহী ?

মৃত্যুহীন প্রাণ

১৩

যুদ্ধের সময় মানুষের মুখের গ্রাসের ধান, চাল ছিনিয়ে নিয়ে
গর্ভগমেন্ট যখন সরকারী গোলা বোঝাই করছিলো বিদেশের যুদ্ধ-
ক্ষেত্রে সৈন্যদের পাঠাবার জন্মে, তখন শ্রীমন্ত তা'র দলবল নিয়ে
গ্রামে গ্রামে ঘুরে প্রচারকার্য চালিয়েছিল, মানুষকে আঘাত্যা
করতে নিষেধ করেছিল—নিষেধ করেছিল টাকার লোডে
মুখের গ্রাসকে বিক্রয় না ক'রে !

—আর ?

—আর শুনেছি তা'রা নাকি বিপ্লবের স্থষ্টি ক'রে সাম্রাজ্য-
বাদকে ধ্বংস করার চেষ্টা করেছিলঃ তখন তা'র বয়স মাত্র
আঠারো বছর !

সত্যব্রত বিশ্বায়ভূতা চোখে তাকিয়ে থাকলো ; তা'র কানে
মায়ের একটা কথা প্রতিষ্ঠানি তুলে ফিরতে লাগলো—তখন
তার বয়স আঠারো বছর !....বিধবা মায়ের একমাত্র সন্তান,
আঠারো বছর বয়সে মায়ের স্বেহের ডোর ছিঁড়ে জেলে আসতে
পেরেছে ! মরণকে বরণ করতে চলেছে, আর সে জেল-ডাক্তারের
পাঁচ ছেলের মধ্যে একজন হ'য়ে চুপ ক'রে ব'সে থাকবে,
ভালমানুষ সেজে অস্তায়কে অস্তায় বলবে না, অস্তাকে অস্ত্য
বলবে না, অস্তায়কারীর বিরুদ্ধে মাথা তুলে দাঢ়িয়ে বিদ্রোহ
ক'রবে না, তবে কি তরুণদের উদ্দেশ ক'রে বিশ্বকবি মিথ্যেই
ব'লে গেছেন—ওরে সবুজ, ওরে অবুজ,

ওরে, আমাৰ কাঁচা :
আধমৰাদেৱ ঘা' মেৰে তুই বাঁচা !

ନିର୍ଯ୍ୟାତୀତ, ନିପୀଡ଼ିତ ଜୁନଗଣେର ଦୁଃଖ-ଦୁର୍ଦଶା ଦୂର କରାର
ନିର୍ଦ୍ଦେଶଟି ତ' ଦିଯେ ଗେଛେନ କବି !

ମା ଡାକଲେନ—ସତ୍ୟବ୍ରତ ! କି ଭାବଛ' ବାବା !

—ଭାବଛି, ଶ୍ରୀମନ୍ତ-ଦାକେ ଯଦି ବାଁଚାତେ ପାରିଃ ଆମରା
ହ'ଭାଇୟେ ଆବାର ଅନ୍ତାୟେର ବିରୁଦ୍ଧେ ଲ'ଡ଼ିବୋ !

—ଆଶୀର୍ବାଦ କରି, ତୋମାର କାମନା ପୂର୍ଣ୍ଣ ହ'କ ବାବା !

ସାତ

...ଶ୍ରୀମନ୍ତର ସେବା କରାର ଜଣ୍ଠେ ଆବେଦନ ଜାରିଯେ କର୍ତ୍ତ୍ତପକ୍ଷକେ
ଏକ ଦୀର୍ଘ ପତ୍ର ଲିଖେଛିଲ ସତ୍ୟବ୍ରତ : ମା ଏକ ସାମଳାତେ ପାରଛେ ନା
ରୋଗୀକେ, ଆର ଏକଜନ ଥାକାର ଦରକାର ଏକଥାଓ ଲିଖେଛିଲ,
ମେହି ସଙ୍ଗେ ତାର ଚିକିତ୍ସାର ଓ ପରିଚର୍ଯ୍ୟାର କ୍ରଟି, ଏବଂ ସରକାରେର
ହଦୟହୀନତାର ଉଲ୍ଲେଖ କରତେଓ ଭୋଲେନି ।

ସରକାରପକ୍ଷ ଅନୁମତି ତ ଦେଇଇନି, ଉପରମ୍ଭ ଜେଲ-ଡାକ୍ତାରେର
ନାମେ ଭୟ ପ୍ରଦର୍ଶନ କ'ରେ ଏକ ଚିଠି ଦିଯେଛିଲୋ ତାର ଛେଲେର ଓପର
ନଜର ରାଖିବାର ଜଣ୍ଠେ । ଚିଠି ପେଯେଇ ଡାକ୍ତାର କ୍ରୋଧେ ଉତ୍ସନ୍ନ
ହ'ଯେ ଉଠିଲେନ ; ଖାଲି ଗାୟେ ଚଟି ପ'ରେ ଦ୍ରତ୍ପଦେ ସତ୍ୟବ୍ରତେର ସରେ
ଏମେ ଢୁକଲେନ ; ମେ ତଥନ “ବିପ୍ଲବେର ଇତିହାସ” ନିବିଷ୍ଟ ମନେ
ପ'ଡ଼ୁଛେ : ବାପେର ଚଟିର ଶକ୍ତ ତା'ର କାନେଇ ପୌଛେନି ; ଡାକ୍ତାର
ବହିଥାନା ଦେଖେ ନିଲେନ ଏକବାର, ଛୋ ମେରେ ତୁଲେ ନିଲେନ ମେଥାନା
ଟେବିଲେର ଓପର ଥେକେ, କୁଟି କୁଟି କ'ରେ ଛିଁଡ଼େ ଫେଲିଲେନ
ପାତାଗୁଲି, ତାରପର ପାଯେର ଚଟି ଖୁଲେ ସତ୍ୟବ୍ରତେର ପିଟେ ମୁଖେ
ସଥେଚିଭାବେ ମାରତେ ମୁକ୍ତ କ'ରିଲେନ : ଆଶର୍ଯ୍ୟ, ସତ୍ୟବ୍ରତ ଏତୁକୁ

কাঁদলো না বা বেদনামুচক শব্দ করলো না, নৌরবে পাষাণমূর্তির
মত দাঢ়িয়ে বটখানির ছেঁড়া পাতাগুলির দিকে তাকিয়ে
থাকলোঃ তার চোখের সামনে উবি ভাসছিল—শহীদ ক্ষুদ্রিম
ও প্রফুল্ল চাকৌর ফাসৌর মঞ্চ ও রিভলভারের শুলৌতে আত্মান,
শ্রীযুক্ত শুরেন্দ্রনাথ বন্দ্যোপাধ্যায় কর্তৃক কংগ্রেস গঠন...মহাজ্ঞা
গাঙ্কৌর অমহযোগ আন্দোলন, দলে দলে দেশভক্তদের
কারাবরণ, নির্যাতন-অপমানের মাঝখানে অবিচলিত নিষ্ঠার
সহজ দেশাভিবোধ !

রাগে ফুলতে ফুলতে ডাক্তার সরকারী খামখানা ছুঁড়ে
দিলেন সত্যব্রতের মুখের ওপর—কি এসব ? এসব করতে
তুমি শিখলে কোথা থেকে ? বাপের চাকরিটি গেলে খাবে
কি ? দাঁড়াবে কোথায় শুনি ? হ'পয়সা রোজগারের মুরোদ
নেই ! বাপের অন্ন ধৰ্মস ক'রছ আর দেশভক্ত হয়ে নাম
কেনবার ফন্দী আঁটছে ! ডেঁপো, বদমাইস ছেলে কোথাকার !

তার বাবা বেরিয়ে যেতেই সত্যব্রত চিঠি হ'খানা তুলে
পড়লোঃ একখানা তা'র আর একখানা বাবার নামের চিঠিঃ
কর্তৃপক্ষ তা'কে স্পষ্টভাবে জানিয়েছে রাজবন্দী শ্রীমন্তের মা
ভিন্ন অপর কেউ তাঁর কাছে থাকার ও সেবাশুঙ্খা করার
অনুমতি পাবে না ; আর একখানাতে তার পিতাকে ভয়প্রদর্শন
ক'রে ছেলেকে শাসনে ও বশে রাখার নির্দেশ এসেছে সরকার
থেকে। সত্যব্রত স্থির মনে ভাবলো কিছুক্ষণ, তারপর ছোট
একটি স্মৃটিকেশে হ'একখানা জামা-কাপড় নিয়ে ঘর থেকে
নিঃশব্দে বেরিয়ে গেল কারুকে না জানিয়ে।

আট

তার এক সহপাঠী এস-ডি-ওর ছেলের কথা মনে হলো
তার ; শিবপদ তা'কে এ সম্বন্ধে কিছু সাহায্য হয়ত করতে
পারে ; শিবপদের বাবা নাকি সম্প্রতি গভর্ণরের সেক্রেটারী
হ'য়েছেন এ সংবাদ শুনেছিল সে ; শিবপদের সঙ্গে চিটিপত্রেরও
আদান প্রদান ছিল তার মধ্যে মধ্যে । ক'লকাতায় এসে
এক হোটেলে উঠে শিবপদের বাড়ীর উদ্দেশে বেরিয়ে পড়লো
সত্যব্রতঃ তার সঙ্গে দেখা করে সব কথা জানালো তা'কে ;
মরণোন্মুখ মুমুক্ষু শ্রীমন্তের সেবাঙ্গার জন্মে তা'র কাছে
থাকার অনুমতি দেওয়ার জন্মে তার বাবাকে অনুরোধ করতে
বললে শিবপদকে । তারপর কয়েকদিন ধ'রে শিবপদের বাড়ীতে
ইঁটাহাঁটি ক'রে যখন প্রায় সে হতাশ হ'য়ে পড়েছিল, ঠিক
এমনি সমস্ত বিরক্ত হ'য়ে সত্যব্রতকে তাঁর ছেলের সাম্রিধ্য থেকে
সরানোর জন্মেই যেন তিনি অনুমতিপত্র দিলেন সত্যব্রতকে ।
কিন্তু এতেই যেন হাতে চাঁদ পেয়ে গেল সে ; শিবপদের বাড়ী
থেকে সোজা হোটেলে ফিরে স্লটকেশ নিয়ে বেরিয়ে সে ষ্টেশনের
উদ্দেশে বাসে চ'ড়ে বসলোঃ তার মানে একসঙ্গে আশঙ্কা ও
উন্মাদনা খেলা করছিল : এ ক'দিন শ্রীমন্তের কোনও খবরই সে
পায়নি : তা'কে গিয়ে কি অবস্থায় দেখবে, এখনো সে বেঁচে
আছে কিনা এই আশঙ্কায় সে ক্ষণে ক্ষণে কণ্টকিত হ'য়ে
উঠতে লাগলো ।

জেলের গেটে এসে গেটের সংলগ্ন জেলারের ঘরে ঢুকে সে
অনুমতিপত্র দাখিল করতেই জেলার তার আপাদমন্ত্রক ভালভাবে

মৃত্যুহীন প্রাণ

১৮

নিরীক্ষণ ক'রে নিলে একবারঃ সত্যব্রতকে বহুবার দেখেছে,
চেনেও ভাল ক'রে, ত'দের পরিবারের সঙ্গে জেলারের পরিবারের
বিশেষ ঘনিষ্ঠতা আছে ; তবু পদমর্যাদার গান্তীর্য বজায়



চিঠিখানা দেখুন

রেখেই ব'ললে—তুমি কি ধন্বন্তরী নাকি হে ছোকরা, যে জেলের
ভেতরে গিয়েই হাত বুলিয়ে শ্রীমন্তর ঘঙ্গা সারিয়ে দিতে
পারবে ?

একটা স্বস্তির নিঃশ্঵াস ছাড়লো। সত্যব্রতঃ থাক্, শ্রীমন্ত
এখনো বেঁচে আছে তাহ'লে! একটু খেমে সে ব'ললে—তা'র
মতন ছেলের অকালমৃত্যু, দেশের পক্ষে ক্ষতিকর হবে এইটুকু
ভেবেই তাকে সেবাশুরুষা করেই বাঁচিয়ে তুলবো স্থির
করেছি।

—তারপর দু'বঙ্গুতে মিলে বোমা তৈরী ক'রে জেল খাটতে
আসবে, লোকে ফুলের মালা দেবে, কত নাম যশ হবে...কি
ব'ল! বিদ্রূপভরা কঢ়ে জেলার ব'ললে।

—নাম একটু হবে বৈকি! এতক্ষণে বেশ ঝুঁক কঢ়েই সত্যব্রত
ব'ললে—নাম ত' সরকার বাহাদুর দিয়েই রেখেছে রাজজ্ঞোহী!
বিপ্লবী! এবং তাদের তদারক শাসন ও নির্ধ্যাতন করার জন্যে
ভাত কাপড় দিয়ে আপনাদের পূষ্ট হচ্ছে!

হঠাতে চেয়ার হেঁড়ে রেগে উঠতে গেল জেলার; হেসে
সত্যব্রত বললে থাক্, কষ্ট ক'রে উঠতে হবে না আপনাকে...ঠি
চিঠিখানা দেখুনঃ আপনার অনেক অনেক পদমর্যাদাসম্পন্ন
লোকের চিঠি... তাঁর আদেশ পালিত হবে কিনা জানতে
চাই।

জেলারের মুখের ভাব মুহূর্তে পরিবর্তিত হ'য়ে গেল, মান
হেসে ব'ললে—তোমরা, আজকালকার ছেলেরা বড় অল্পতে
গরম হ'য়ে পড়োঃ তোমার সঙ্গে একট রহস্য করছিলাম বৈ ত
নয়। পরে একজন রক্ষীকে সত্যব্রতকে জেলের ভেতরে
শ্রীমন্তের কাছে নিয়ে যেতে বললে।

ଅଚ୍ଛା

ମା ଶ୍ରୀମନ୍ତର ଶିଯରେ ତେମନିଭାବେଟି ବ'ସେ ଆହେନ ; ଜ୍ଞାନ ଫିରେ ଏସେହେ ଶ୍ରୀମନ୍ତର, ଉଦ୍‌ଦୃସ ଚୋଥେ ବାଇରେ ଆକାଶେର ଦିକେ ତାକିଯେ ଆହେ ; ଚୋଥେର କୋଲେ କାଳୀର ରେଖା...ଗାୟେର ରଂ ଫ୍ୟାକାସେ ; ହାତ, ପା ଆଙ୍ଗୁଲଗୁଲି ଝମ୍ମ କ୍ଷୀଣ, ସେନ ବିଛାନାର ସଙ୍ଗେ ମିଶେ ଗେଛେ । ସତ୍ୟବ୍ରତ ସରେ ଚୁକତେଇ ଚୋଥ ମେଲେ ତାକାଲୋ ଶ୍ରୀମନ୍ତ, ଆହେ ସାଡ଼ ଫିରିଯେ ମାୟେର ଦିକେ ଜିଜ୍ଞାସୁ ଦୃଷ୍ଟିତେ ତାକାଲୋ । ମା ବଲଲେନ—ହଁୟା, ଏହି ଛେଲେଟିଇ ସତ୍ୟବ୍ରତ । ଡାକ୍ତାରବାବୁର ଛେଲେ ! ତୁମ ବାବାର ସଙ୍ଗେ ରାଗାରାଗି କ'ରେ କରେକଦିନ କୋଥାଯି ଚ'ଲେ ଗିଯେଛିଲେ ବାବା ?

—ରାଗାରାଗି କ'ରେ ତ' ଯାଇନି ତିନି ବେଦମ ମେରେଛିଲେନ ଆମାକେ....ଆମି ପ୍ରତିବାଦ ପର୍ଯ୍ୟନ୍ତ କରିନି ତୋମାର କଥା ଭେବେ ...ଓରା ଗୁରୁଜନ ଯା' ବଲେନ, ଯା' କରେନ ଆମାଦେର ଭାଲୋର ଜଣେଇ କରେନ ।

—ତବେ ରାଗ କ'ରେ ତ ଯାଇନି : ଶ୍ରୀମନ୍ତଦାର କାହେ ଜେଲେର ଭେତର ଥେକେ ସେବା-ଶୁଣ୍ୟା କରାର ଅନୁମତି ଯଥନ ଏଥାନକାର ମ୍ୟାଜିଷ୍ଟ୍ରେଟ ଦିଲେ ନା, ତଥନ କଲକାତାଯ ଲାଟ୍ସାହେବେର ସେକ୍ରେଟାରୀକେ ଧରେ ଅନୁମତି ପତ୍ର ଆନତେ ହ'ଲୋ ଆମାକେ, ଏହି ଦେଖୁନ ଚିଠି !

ମା ବିଶ୍ୱାସ ଓ ମ୍ନେହଭରା ଚୋଥେ ତାକିଯେ ଥାକଲେନ ସତ୍ୟବ୍ରତେର ଦିକେ, ବଲଲେନ—ତାଇତ ବଲି ସତ୍ୟବ୍ରତ ଆମାର ତେମନ ଛେଲେ ନୟ...ଅନ୍ତାୟେର ପ୍ରତିବାଦେ ସେ ଅନ୍ତାୟ କରବେ ନା ; ବଡ଼ ଭାଲ ଛେଲେ, ବଡ଼ ଲକ୍ଷ୍ମୀ ଛେଲେ, ଜାନିସ୍ ଶ୍ରୀମନ୍ତ !

শ্রীমন্ত ঘাড় নাড়লো।

তুই ভাল হয়ে যাবি তারপর তোর সঙ্গে মিলে দেশের কাজ
করবে এই ওর ইচ্ছেঃ ওরও বয়েস এই সবে আঠারো ;
তুইও ও বয়সেই বাঁধন ছিঁড়েছিলি, বিপ্লবে যোগ দিয়েছিলি !

শ্রীমন্ত একভাবে মায়ের দিকে তাকিয়ে থাকলো কিছুক্ষণ
তারপর ব'লল—আচ্ছা মা, যেদিন আমি প্রথম দেশের ডাকে
সাড়া দি, সেদিনকার কথা মনে পড়ে তোমার ?

—তা' পড়ে না আবার ? সব পড়ে !...আকাশ যেন ভেঙ্গে
পড়েছিল সেদিন ; বৃষ্টি আর বজ্রপাতের বিরাম ছিল না । সৌ
সৌ ক'রে একটানা ঝড়ের শব্দ হ'চ্ছিল ; তুই জওহরলালের
আত্মজীবনীখানা প'ড়তে প'ড়তে উঠে এলি, বললি—এ'রা
কত বড় ত্যাগী দেখেছ মা ! কোটি কোটি টাকার মালিক, বিলাসে,
আমোদে স্ফূর্তিতে জীবন কাটিয়ে দিতে পারতেন অনায়াসে,
কিন্তু দেশের স্বাধীনতার জন্যে সর্বস্ব পণ ক'রেছেন : জীবন
মন উৎসর্গ ক'রেছেন ; কারাগারের অশেষ ক্লেশ ভোগ
করেছেন ।

—তারপর ?

—দিনকয়েক গভীরভাবে কি যেন ভাবতে লাগলি তুইঃ
আমার মন কেমন যেন ক'রে উঠলো ; ছঃখিনী মা আমি, তুই
আমার একমাত্র ভরসা ; হঠাতে একদিন একখানা খবরের
কাগজ হাতে রান্নাঘরের দরজায় এসে দাঁড়ালি তুইঃ তোর
চেহারা দেখে ভয় হ'য়েছিল আমারঃ তুই বললি—না, মা,
এরকম নির্যাতন অত্যাচার আর মুখ বুজে সহ করতে

ପାରବୋ ନା : ଆମି ଆନ୍ଦୋଳନେ ଯୋଗ ଦେବୋ ; କଂଗ୍ରେସ ପ୍ରମେଶନେ
ଅହିଂସ ସତ୍ୟାଗ୍ରହୀଦେଇ ଓପର ପୁଲିଶ ଗୁଲିବର୍ଧନ କରେଛେ
ଏଲାହାବାଦେ, ଚଙ୍ଗିଶଜନ ନିହତ ଓ ଆହତ ହ'ଯେଛେ ! ଆମି
ବଲେଛିଲାମ, ତୁଟେ ଏକା ଖଦେର ସଙ୍ଗେ ପେରେ ଉଠିବି କେନ ବାବା !...
ଏକା ନୟ ମା, ସମସ୍ତ ଦେଶ ଜେଗେ ଉଠିବେ, ତାଙ୍କ ଥେଯେ ମାଥା ତୁଲେ
ଦାଡ଼ାବେ, ଦେଖେ ନିଓ ତୁମି ! ବଲେଛିଲି ତୁଟେ ।

—ତାର କଯେଦିନ ପରେଇ ତୁଟେ ସର ଛେଡେ ବେରିଯେଛିଲି :
ଅସହୟୋଗ ଆନ୍ଦୋଳନେ ଯୋଗ ଦିଯେଛିଲି ।

ଚକ୍ରଶିଖ

...ଜେଲେର ଭେତରେ ଗାଛଟା ରକ୍ତ କରବୀତେ ଛେଯେ ଗେଛେ :
ମାହୁଷେର ଟାଟିକା ତାଜା ରକ୍ତର ମତ ଲାଲ ରଂ ତାର ; କତକ ଗୁଲି
ଫୁଲ ତୁଲେ ନିଯେ ଏଲୋ ସତ୍ୟବ୍ରତ ; ମା ଉଠି ଗେହେନ ମ୍ନାନ କରତେ,
ଧୀରେ ଧୀରେ ସତ୍ୟବ୍ରତ ଏଗିଯେ ଏଲୋ ଶ୍ରୀମନ୍ତେର ବିଛାନାର କାହେ ;
ନିଷ୍ଠକ ନିଷ୍ଟେଜ ହ'ଯେ ପ'ଡେ ଆହେ ଶ୍ରୀମନ୍ତ... ଚୋଥ ହୁ'ଟି ଆଧବୋଜା,
ଯେନ କିସେର ଧ୍ୟାନ କରଛେ ସେ : ଆନ୍ତେ ଆନ୍ତେ ଡାକଲୋ ସତ୍ୟବ୍ରତ—
ସୁମୁଢ଼ ଶ୍ରୀମନ୍ତ-ଦା !

—ତୋମାର ସଙ୍ଗେ ପରିଚିତ ହ'ବାର ଶୁଯୋଗ ପାଇନି : କେବଳ
ତୋମାର ମାୟେର ଓ ତୋମାର କଥା ଥେକେ ତୋମାକେ ଚିନତେ ଚେଷ୍ଟା
କରଛିଲାମ : ବୁଝତେ ଚେଷ୍ଟା କରଛିଲାମ, ତୁମି କତ ବଡ଼ !

—ଛିଃ ଭାଇ ଓକଥା ବୋଲ ନା ; ଆମରା କତ ଛୋଟ, କତୁକୁ
ତ୍ୟାଗ ଆମାଦେଇ ! ଦେଶ-ନେତାଦେଇ ଦିକେ ତାକାଓ ମହାତ୍ମା ଗାନ୍ଧୀ,
ଜନହରଲାଲ, ଦେଶବନ୍ଦୁ, ସୁଭାଷଚନ୍ଦ୍ର ଏଂଦେର ତ୍ୟାଗ, ଏଂଦେର ପାଯେର

রেখা ধ'রে আমরা আমাদের অভিপ্রেত স্থানে পৌছুতে পারবো ।
এইটুকু কথা বলার শক্তি পর্যন্ত হারিয়ে ফেলেছিল শ্রীমন্তঃ
কথাক'টি ব'লেই সে হাঁফাতে লাগলোঃ বুকটা ছলে ছলে ফুলে
উঠতে লাগলো, একটা জোর কাসির ধমক এলো ; বুকটা চেপে
ধ'রে উঠতে চেষ্টা ক'রলো শ্রীমন্ত, সত্যব্রত তা'কে শুইয়ে দিয়ে
আগিয়ে দিলে পিকদানটি .. একচাপ রক্ত উঠলো শ্রীমন্তের
.. চোখ ছ'টি বেদনায় জলে ভ'রে উঠলো ।

.. সত্যব্রত মুছে দিলে শ্রীমন্তের চোখের জল ; ব'ললে—
তুমি বীর, তুমি যোদ্ধা... তুমি দেশের সুসন্তান ! টেবিলের ওপর
থেকে একগুচ্ছ রক্তকরবী নিয়ে এলো সত্যব্রত, ব'ললে—তাই
রক্তকরবী নিয়ে তোমার সঙ্গে মিতালী করি, ... তোমার ত্যাগ,
তোমার নিষ্ঠা, তোমার দেশাভ্যবোধ আমার আদর্শ হ'ক...

এমন সময় সংস্কারণ শুন্দরান পরিহিতা মা এসে ঘরে
চুকলেন, একরাশ কালো চুল পিঠে ফেলেঃ যেন দেশমাতা
অবঙ্গীণ হ'লেন বন্দীর দুঃখে অভিভূতা হ'য়ে ।

—আবার রক্ত উঠলো মা ! ক্ষীণকর্ণে ব'ললে শ্রীমন্ত...

আবার উঠলো ! হ'তিন দিন ত' ওঠেনি, ... আজ্ঞা ! মায়ের
কর্ণে বেদনা ও আশঙ্কা ধ্বনিত হ'লো ।

এমনি সময়ে জেলডাক্তার হেলতে ছ'লতে এসে চুকলেনঃ
বেঁটে থাটো নাহস ছুছস মাহুষটিঃ চোখে পুরু কাঁচের চশমাঃ
সত্যব্রতকে পুনরায় সেখানে দেখে নিজের চোখকেই যেন বিশ্বাস
করতে পারছেন না এমনিভাবে চশমাটা খুললেন একবার, আবার
প'রলেন, ... তাকিয়ে থাকলেন কিছুক্ষণ, তারপর চীৎকার ক'রে

উঠলেন—অ্যা ! আবার তুমি এখানে এসে জুটলে কি ক'রে !...
কে চুকতে দিয়েছে তোমাকে এখানে !...বেরোও ! বেরোও !

—চাড়পত্র আছে আমার স্বয়ং গভর্ণরের সই করা !

—চাড়পত্র ! গভর্ণরের সই করা ! কেটে কেটে কথাগুলি
উচ্চারণ করলেন তিনি। সত্যব্রত তাঁর বিশ্বিত চোখের সামনে
মেলে ধরলো... গভর্ণরের শিলমোহর দেওয়া চিঠি !

এতক্ষণে যেন আকাশ থেকে প'ড়লেন জেলডাক্তারঃ—তুই !
সত্যব্রত, জেলডাক্তারের ছেলে হ'য়ে স্বয়ং গভর্ণরের কাছে
গিয়েছিলি ?... অ্যা ! আশ্চর্য !

ঞ্চারণ

...জেলের ঘণ্টা বাজছে ঢং ঢং ক'রে ; কয়েদী ও বন্দীদের
বন্ধ করার ঘণ্টা। সারাদিন অমানুষিক খাটুনির পর ছেড়ে
একটি ঘরের মধ্যে বন্ধ অবস্থায় রাত্রি যাপন করতে হবে
তা'দেরঃ সঙ্ক্ষ্যার কালো ছায়া ঘনিয়ে আসছে ধীরে ধীরে !
শ্রীমন্তের শিয়রে ব'সে আছেন মা, তাঁ'র কোলের কাছে ব'সে
আছে সত্যব্রত একথানি হাত ধ'রে...জানলা দিয়ে দেখা যাচ্ছে
একখণ্ড আকাশ, অস্তমিত সূর্যের শেষরশ্মিতে তার রং লাল।

—সত্যব্রত ! ধীর ক্লান্তকর্ণে ডাকলো শ্রীমন্ত !

—কিছু ব'লবে শ্রীমন্ত-দা ?

—হ্যাঁ ভাই ; আমার যাবার দিন ষ্ণিয়ে এসেছে : আমি
জানি আমি বাঁচবো না ; মরছি এর জন্মে দুঃখ নেই. শুধু দুঃখ এই

কাজ শেষ ক'রে যেতে পারলাম না !...তোমাকে একটা কথা
ব'লে যাবো—রাখবে সত্যব্রত ?

—বলো : আমি প্রতিজ্ঞা করছি, আমার প্রাণের বিনিময়েও
যদি সন্তুষ্ট হয়, তোমার আদেশ পালন ক'রব !

—আদেশ নয় সত্যব্রত : আদেশ করার মতন স্পর্ধা, অত
বড় শক্তি আমি রাখি না : তুমি আমার বন্ধুত্ব স্বীকার করেছে,
তাই আমার শেষ অনুরোধ,--আমার মাকে দেখো : আর একটি
অনুরোধ, যেখানে দেখবে অন্যায়, অত্যাচার, নির্যাতন, সেখানে
বুক পেতে দাঢ়িয়ো ;--জোরে জোরে নিঃশ্঵াস প'ড়তে লাগলো
শ্রীমন্তের ; মা তা'র বুকে হাত রাখলেন, কয়েকফেটা জল
অসতর্ক মুহূর্তে শ্রীমন্তের মাথার ওপরেই ঝ'রে প'ড়লো ; মা
ব'ললেন—একসঙ্গে অত কথা ব'লোনা বাবা, ডাক্তারবাবু বারণ
করেছেন।

—আর আমাকে বারণ ক'রোনা মা ; যা বলার আছে ব'লে
নিই : নইলে হয়ত চিরতরে না-বলা থেকে যাবে : শোনো
সত্যব্রত, ধাঁরা বলেন, রাজনীতি ছাত্রদের জন্যে নয়, তরুণ ও
কিশোরদের জন্যে নয়,—তাঁরা ভাস্তু ! বয়স্কদের হয়ত অভিজ্ঞতা
বেশী থাকতে পারে, ধৈর্য বেশী থাকতে পারে, কিন্তু সজীব তাজা
প্রাণ, টগ্বগে রক্ত আছে তরুণের দেহে ও মনে : দেশের কাজে,
দেশের স্বার্থের জন্যে যেদিন দলে দলে কিশোররা প্রাণ নিতে
পারবে, গুলির সামনে বুক পেতে দিতে পারবে--সেইদিন
স্বাধীনতা জয়যুক্ত হবে ।--আমার কথা তুমি মনে প্রাণে বিশ্বাস
কর সত্যব্রত ?

—হ্যাঁ, একথা খুবই সত্য।

—তবে একথা ভুলে গেলে চ'লবে না : জগতে যা' কিছু বড় কাজ, শৃঙ্খলার সূত্রে বাঁধা-- যুদ্ধ বলো, আন্দোলন বলো, পড়া-শুনো বলো, নিষ্ঠা ও সাধনার দরকার ; প্রয়োজন কর্তব্যজ্ঞানের। ... রাজনীতি করব ব'লে সবাই স্কুল-কলেজ ছেড়ে বাঁপিয়ে প'ড়ে জেল খাটলে দেশ স্বাধীন হবে না ; প্রথম দরকার হ'চ্ছে—শিক্ষা ও জ্ঞানের ; রাজনীতি হ'চ্ছে দাবাখেলার মতন : চালে ভুল হ'লেই বাণচাল হ'য়ে যাবে।

—বন্দীদের দিয়ে সান্ধ্যস্তোত্র গাওয়ানো হ'চ্ছে সম্মিলিতকরণ স্থাটের দৈর্ঘ্যজীবন ও বৃটিশ সাম্রাজ্যের প্রতিপত্তির প্রার্থনা জানিয়ে।

নাটকীয়া

—নাড়ির গতি খারাপ হ'য়ে আসতে লাগলো আবার, জ্বরটাও বেড়ে গেল হঠাৎ, বুকটা ছলে ছলে উঠতে লাগলো, সেইসঙ্গে মাঝে মাঝে হেঁচকি উঠতে লাগলো ; সত্যব্রত জেলারকে খবর দিলে : তিনি ডেকে পাঠালেন জেলভাঙ্গারকে, ঘূমজড়িত চোখে বিরক্তভাবে এলেন জেলভাঙ্গার : টুকতে টুকতে ব'ললেন— হৃপুরে ত'বেশ ভাল ছিল ! হঠাৎ কি এমন হ'লো যে আমাকে...

রোগীর অবস্থা দেখে কিন্তু থমকে গেলেন তিনি : মায়ের মাথার অবগুণ্ঠন খ'সে পড়েছে : চোখের দৃষ্টি শ্রীমন্তের মুখের ওপর শ্বির-নিবদ্ধ ; টনটনে জ্ঞান আছে শ্রীমন্তের... কিন্তু ভিতরে

যেন অসহ যন্ত্রণা হ'চ্ছে, চোখ দিয়ে উপচে প'ড়ছে জলঃ সত্যব্রত
মাঝে মাঝে কোঁচার খুঁট দিয়ে মুছে দিচ্ছে ; সত্যব্রতের একথানা
হাত আকুল আবেগে চেপে ধরলো। শ্রীমন্ত, মায়ের দিকে আঙুল
বাড়িয়ে দেখালো একবার জড়িতকষ্টে—চারিদিকে তাকিয়ে যেন
ব'ললে—আমার দেশ !

—বুঝেছি, বুঝেছি শ্রীমন্ত-দা : তোমার সব অনুরোধ আমি
পালন ক'রব ।

—অনুরোধ ? ১০০০কিসের অনুরোধ ? পিছনে ফিরে তাকালেন
ডাক্তার ।

—দেশসেবার দেশভক্তির...মাকে দেখার !

ডাক্তার নিজের কাজে মন দিলেন : শেষ ওবধ দেবার জন্ম
তৈরী হ'তে লাগলেন তিনি ; হাত ও পায়ের নাচে হাত দিয়ে
পরীক্ষা ক'রে দেখলেন ঠাণ্ডা হ'য়ে আসছে : খল মুড়িতে মকর-
ধজ মাড়তে লাগলেন তিনি : কেন জানি না তারও মনটা ভারী
হ'য়ে এলো ; রোগা ছুর্বল ফস্বি ছেলেটির প্রথম জেলে আসার
দিন মনে পড়লো, মনে পড়লো তা'র আয়ত ভাষাময় ছুটি চোখ ।
ডাক্তার মকরধজ নিয়ে আগিয়ে এলেন ।

মা আর্তকষ্টে ব'ললেন—পারলেন না ডাক্তারবাবু ? পারলেন
না ধ'রে রাখতে ?

ডাক্তারের ছ'ট চোখেও জল এলো ; প্রথম যখন শ্রীমন্তের
যন্ত্রণা হ'য়েছে ব'লে তার সন্দেহ হয়, তখনই তিনি জেলারকে,
জেলস্বপারিটেণ্টকে, কর্তৃপক্ষকে অনুরোধ করেন তার শ্রম
লাধব করতে, তা'কে চেঞ্জে পাঠাতে অথবা ছেড়ে দিতে ; সরকার

ছেড়ে দেওয়ার অনুমতি দেয়নি ; সর্বম কারাদণ্ডের আদেশও তুলে নেয়নি, ফলে এই পরিণতি দাঢ়িয়েছে ।

মা হাত বাঢ়ালেন—দিন, আমার হাতে দিন ; এই হাতে ক'রে নেকড়ার তুলিতে ওকে দুধ খাইয়েছি, এই হাতে ও ভাত খেয়েছে ছেলেবয়সে, আজ এই হাতে ক'রে ওর মৃত্যু ঘন্টণা লাঘবের জন্মে আমি বিষ দেবো !

সত্যব্রত ডাকলো—মাসিমা !

—বাবা ?

—ওকে একটু শাস্তিতে যেতে দিন মাসিমা : আপনি ভেঙ্গে পড়েছেন দেখলে শ্রীমন্তুদা যে বড় কষ্ট পাবে ।...জেলের ঘণ্টা বাজছে, একুন্তসই তিনি ; মোমবাতিটা পুড়ে পুড়ে শেষ হ'য়ে এসেছে ; শুধু গলা মোমের ওপর একটি সরু পল্লতে ঝলচে... বাইরের আকাশে ভোরের আসন্নতার আভায়...

মকরবজ খেয়ে শ্রীমন্ত যেন স্থির হ'লো : তার ঘন্টণা ক'মে গেল হঠাৎ ; কিছুক্ষণ নিষ্ঠেজ হ'য়ে প'ড়ে থাকলো : নিষ্ঠক ঘরে ঘড়িটা একটানা টিক্টিক্ শব্দ করছে ; ওপারে কঠিন শাস্তি পাওয়া কয়েদীর “সেলে” পায়ের বেড়ি বাজছে ; হেঁচকি উঠলো বারকয়েক : কস্ব বেয়ে কয়েক ঝলক রক্ত উঠলো : বালিস থেকে মাথাটা একপাশে হেলে প'ড়লো : মা তখনও স্থির হ'য়ে ব'সে আছেন ।

তেরু

...শুশান থেকে ফিরে সত্যব্রত দেখলে, মা কুটীরের দরজায়
মানমুখে ব'সে আছেন। কোনও রকমে-মুখাগ্নি করিয়েই মাকে
পাঠিয়ে দিয়েছিল শ্রীমন্তঃ মা কিন্তু অঙ্গুত ধৈর্য দেখিয়েছিলেন,
মুখাগ্নি করার সময় ধৌর অক্ষিপ্তকণ্ঠে বলেছিলেন—দেশের জন্যে
তুমি প্রাণ দিয়েছ, তাই তোমাকে হারানোর বেদনা ছাড়া মনে
কোনও ক্ষোভ নেই আমারঃ তুমি যে দেশে গেছ, সেখানে শাসন
নেই, পরাধীনতা নেই—চিরশান্তি সেখানে বিরাজ করে;
তোমার আস্তা শান্তিলাভ করুক !

—ফুলের মালা চন্দনে সাজিয়ে দিয়েছিল মৃতদেহ, যত
সুবকের দল; জেলের গেট থেকে প্রসেশন ক'রে “বন্দেমাতরম্”
গান করতে করতে শুশান পর্যন্ত ব'য়ে নিয়ে গিয়েছিল মৃতদেহ;
মফঃস্বল সহরটির এক ধনী দেশভক্ত ব্যবসায়ী শবদাহের জন্যে
চন্দনকাঠ ও একটিন ধি দিয়েছিলেন; মা মনে মনে দীর্ঘজীবন
কামনা করেছিলেন দেশের তরুণদের, হৃদয়বান् ব্যবসায়ীর !

সত্যব্রত যখন ফিরে এলো, তখন প্রায় সক্ষ্যে হয়ে আসছে।
ঘরে চুকতে চুকতে সত্যব্রত ডাকলো—মা!—আর সে ‘মাসিমা’
বলবে না।

—কে শ্রীমন্ত! চমকে উঠলেন মা, অবিকল তাঁর শ্রীমন্তের
কণ্ঠস্বরের আহ্বান শুনে; পরমুহূর্তেই নিজের ভূল বুঝতে পেরে
কেঁদে ফেললেন হ হ করে—দেখি কী পোড়া মন আমারঃ
তাকে যে নদী গর্ভে বিদায় দিয়ে এসেছি একথা মনেই ছিল না।

সত্যব্রত মায়ের কোল ধেঁসে বসলো : তার ছচোখে তখন ধারা নেমে এসেছে। হৈমবতী সত্যব্রতের মাথাটি কোলের ওপর টেনে নিলেন—এই দেখ পাগল ছেলের কাণ ! কান্নার ত' কিছু নেই বাবা ! দেশের কাজে প্রাণ দিতে যারা পারে, তারা ভাগ্যবান, তারা দেবদৃত ; পৃথিবী কি তাদের আটকে রাখতে পারবে ?

সত্যব্রত বললে—মা ! শ্রীমন্তুদা তোমার ভারও তার অসমাপ্ত কাজের ভার আমার ওপর দিয়ে গেছে মা। কাল থেকেই আমাকে কাজে লাগতে হবে : তুমি আমাকে পথ দেখিয়ে দিও ।

—প্রথম কি কাজ করতে চাও বল !

—একটা আশ্রম খুলবো এই কুঁড়েতেই, এ সহরের ছেলেদের নিয়ে : এর নাম থাকবে “মাতৃ-আশ্রম” তুমি হবে তার নেতৃী : বেশ হবে, না-মা ?

মা একটা গভীর দীর্ঘশ্বাস ফেলে বললেন—বেশ, তাই হবে। কি কি আদর্শ, কী উদ্দেশ্য নিয়ে এ আশ্রম গড়বে বাবা ?

—এখানে অশিক্ষিত ও অর্ধশিক্ষিত জনসাধারণকে লেখা-পড়া শেখান হবে, তক্লিতে সূতো কাটা, কাপড় বোনা, ঝুড়ি তৈরী, বেতের কাজ এই সব শেখানো হবে, আরও কত কাজ হবে ক্রমশঃ—

দূরে পাহাড়ের ওপর থেকে লাল গোলাকার চাঁদ উঠছে, পূর্ণিমার চাঁদ ; অঙ্ককার দূর হয়ে আসছে ধীরে ধীরে, জ্যোৎস্না-প্রাবিত হয়ে যাচ্ছে পৃথিবী ।

চোল


আশ্রমের কাজ শুরু হ'য়ে গেছে, অশিক্ষিতদের লেখাপড়া শেখানোর জন্যে প্রাথমিক শিক্ষার বই, সেলেট, পেন্সিল এসেছে, চরকা এসেছে চারটি, ঝুড়ি বোনার জন্যে, বেতের কাজ করার জন্যে এসেছে যন্ত্রপাতি; চাঁদার খাতা হাতে নিয়ে মাথায় একটা গাঞ্ছীটুপি প'রে গলায় একটা কাপড়ের ব্যাগ ঝুলিয়ে চাঁদা আদায় ক'রে ফেরে সত্যব্রত, কয়েকজন ছেলেকে সঙ্গে নিয়ে। তাদের নবনীর মত চেহারা, বালক বয়স ও কর্মদক্ষতা দেখে সকলে যথাসাধা চাঁদা দেন; সত্যব্রত প্রত্যেককে বুঝিয়ে বলে, মাতৃআশ্রমের আদর্শ ও উদ্দেশ্য; তার মধ্যে রাজক্ষেত্র-তার, বিপ্লবের এতটুকু চিহ্নমাত্র ছিল নঃঃ কিন্তু সরকার পক্ষ তা মানলো না; রাত্রির অঙ্ককারে নিঃশব্দে চরিদিক থেকে আশ্রম ঘিরে ফেললে পুলিশ; মা ও সত্যব্রত বাইরে উঠুনে এসে দাঁড়ালেন, আর দাঁড়ালো। আশে পাশের কুঁড়েঘরের ধাঙড়, মুচি, বাড়ীর ও মুদ্দোফরাসের দল; লাঠি সড়কি নিয়েই বেরিয়ে ছিল তারাঃ মা বললেন—ছিঃ বাবা! ওঁরা নিজের কাজ করতে এসেছেন; এই ওঁদের চাকরি...ওঁরা খানাতল্লাসী করবেন, করতে দাও, ওঁদের ওপর আমাদের কোন রাগ বা আক্রোশ নেই।

কালসাপ যেমন ফণা তুলেই সাপড়ের জড়ির স্পর্শে মাথা নৌচু ক'রে চুবড়ির মধ্যে চুকে পড়ে, অশিক্ষিত মুচি মুদ্দোফরাস ও বাড়ীর দলও তেমনিভাবেই মায়ের আদেশ মাত্র ঘরে চুকে লাঠি সড়কি রেখে এলো।

ହୃଦୟହୀନ ପ୍ରାଣ

୩୨

ପୁଲିଶ ସାର୍ଚ୍ କରିଲେ ତମ ତମ କ'ରେ ; ଜିନିଷପତ୍ର ଛଡିଯେ
ଭେଙ୍ଗେ ତଞ୍ଚନ୍ଚ କ'ରେ ; କତକଞ୍ଚିଲି ଟୁକିଟାକି ଦାମୀ ଜିନିଷଓ ନିଯେ
ଯେତେ ଭୁଲଲୋନା ; କିନ୍ତୁ ପାଓଯା ଗେଲ ନା ଆପନ୍ତିକର କିଛୁଟ,
ଶୁଦ୍ଧ ଏକଥାନା ବିପନ୍ନର ଇତିହାସ ଛାଡ଼ା ; ଲାଲ ବାଁଧାନୋ ମଲାଟି



ଦେଓଯା ଏକଥାନା ବହି, ତାର ପାତାଯ ବହୁ ବ୍ୟବହାରେର ହ୍ରୁଚିହ୍ନ ଆଛେ,
କିନ୍ତୁ ସ୍ଵୟତ୍ତେ ରକ୍ଷା କରେଛେ କେଉ ଏଇ ଅନ୍ତିତ, ତାଇ ମଲାଟି
ନୂତନେର ମତ ଘକ୍ଖକ କରିଛିଲ, ଲାଲ ରକ୍ତେର ମତ ମଲାଟି : ତାର
ଉପର ସୋଗାର ଜଳେ ନାମ ଲେଖା—ଶ୍ରୀମନ୍ତ ସେନ ।

—শ্রীমন্ত সেন কে ? দারোগা জিজ্ঞাসা করলে মাকে ।

—আমার ছেলে !

—তাকে একবার দেখতে চাই !

মায়ের বক্ষ বিদীর্ণ ক'রে একটা গভীর দীর্ঘশ্বাস বেরিয়ে
এলো ; বললেন—আপনাদের সরকার তা'কে বহুভাবেই
দেখেছিলেন ; বুঝেছিলেন সে ভেঙ্গে গেলেও হুইবার ছেলে নয়
...তাই কষ্ট ও নির্যাতন দিয়ে দিয়ে কারাগারেই তা'র যন্ত্রা
ধরিয়ে দিয়েছিলেন ; জেলের ভেতরেই সে মারা গেছে তিনমাস
আগে !—মায়ের চোখে ধেন আগুন ছুটলো : দারোগা তাকিয়ে
থাকতে না পেরে চোখ নামিয়ে নিলে ।

—আর এই ছোটলোক ব্যাটারা কে ?...আপনাদের
জমিদারীর প্রজা নাকি ?

হৈমবতী খান হাসলেন—ওরা আমার ছেলে, আমাদের
সমাজের মেরুদণ্ড ; ওদের দূরে সরিয়ে রেখেই আমরা শক্তিহীন
কঁজো মেরুদণ্ডহীন হ'য়ে গেছি : ছোটলোক ! হ্যাঁ, ওই নামেই
ওদের গৌরব, মানুষের ভগবান् ওদের মাঝখানেই বাস
করছেন !

দারোগা ছ'এক পা আগিয়ে বললেন, আমরা ডিউটি বাড়ও
কিনা : আপনার নাম ?

নির্ভীক দৃঢ়কষ্ঠে সত্যব্রত বললো—সত্যব্রত রায় ?

দারোগা নোটবুকে লিখতে লিখতে ব'ললে—পিতার
নাম ?

—যোগেশচন্দ্র রায় !

সন্দিক্ষভাবে চোখ তুলে দারোগা জিজ্ঞেস ক'রলে—কি
করেন তিনি ?

—সরকারী চাকুরি করেন : জেলডাক্তার !

—ঁয়া ! আমাদের যোগেশবাবুর ছেলে তুমি ! আগে
ব'লতে হয়। সত্যব্রতকে ছেড়ে দিলে দারোগা : ব'ললে—
এ ব্যাটাদের ছ'জনকে বেঁধে নিয়ে যাবো। সহরে যত চুরি,
ডাকাতি, খুন এই ব্যাটিরাই করে ! লাঠি বের করেছিলো
আবার শূয়োর কা বাচ্চা সব !

—থবরদার বাবু ! মুখ সামলে কথা বলবেন কিন্তু ! ভদ্র-
লোক ব'লে ছাড়ান পাবেন না, আমরাও মানুষ : জানোয়ার
ত' নাই !

পর্মক্ষে

ধাঙড় পল্লীতে পুলিশি জুলুম এবং অযথা কতকগুলি
লোককে গ্রেপ্তার ক'রে নিয়ে যাওয়া নিয়ে চাঞ্চল্যের সৃষ্টি হ'লো
প্রথমে ; পরে যখন তারা শুনলো, দারোগা থানায় গিয়ে মিথ্যে
মামলা সাজিয়ে দাঙ্ডাহাঙ্গামা ও পুলিশের কর্তব্যকর্ষে বাধা-
দানের অজুহাত দেখিয়ে তাদের চালান করার চেষ্টা করতে
লাগলো, তখন দেখা দিল বিক্ষোভ ! মায়ের কাছে এসে
দাঢ়ালো ত'রা—তুমি মা লক্ষ্মী বিধেন কর এর : নইলে আমরা
আগুন জ্বেলে দেবো, কাজ বন্ধ ক'রে সহরকে ছবিনে নরক করে
দেবো !

দারোগার কাঠ কথা গুলি মনে পড়লো। হৈমবতীর—আপনার জমিদারীর প্রেজা ? ছোটলোক বাটারা ; ধারা হাতে করে মলমৃত্র পরিষ্কার ক'রে ময়লা ঝাঁট দিয়ে সমস্ত গ্রাম, সহর ও নগরকে আবর্জনা ও দুর্গন্ধি মুক্ত করছে, তা'রা আর যাই হ'ক ছোট লোক নয় ! হৃণা ও উপেক্ষা বুকে নিয়ে ওরা বেঁচে থাকে, পূজোর মন্দিরে ওদের প্রবেশ নিষেধ, সভ্যসমাজের কাছে ওরা অস্পৃশ্য ! ছোটলোক ! কিন্তু কালই যদি ওরা কাজ বন্ধ ক'রে দেয়, স্বর্গই নরক হ'য়ে দাঁড়াবে, বাসের অনুপযোগী হ'য়ে দাঁড়াবে কয়েক ঘণ্টার মধ্যে !

মা সন্নেহ কর্ণে বললেন—বাবা ! অন্তায় দিয়ে অন্তায়ের প্রতিবাদ হয় না,—হিংসায় হিংসা বেড়ে যায় ; আজ যদি তোমরা আগুন জ্বালিয়ে দাও, সেই আগুন সমস্ত সহর গ্রাস ক'রে ফেলবে ; কিন্তু মেই সহর গ'ড়তে কত দিন, কত বৎসর, কত যুগ লেগেছে কত মানুষকে খাটতে হয়েছে, একটির পর একটি ইঁট গাঁথতে হ'য়েছে ; কত মহাপুরুষের জন্ম হ'য়েছে এই মাটিতে, তোমাদের কত পূর্বপুরুষ এই সহরের মাটিতেই মিশে আছে : ওদের ওপর রাগ করে সহরে আগুন জ্বালানো বা নরক ক'রে তোলা কি ঠিক হবে বাবা ?

হ'একজন মাতব্বর ঘাড় নাড়লো—না, মা লক্ষ্মী মানা ক'রছেন ইকাজ কিছুতেই করব নাই হামরা—

‘তোমরা কাজ ক'রে যাও যেমন করছ, সত্যবৃত্ত ওপরে চিঠিপত্র লেখালেখি ক'রে ওদের ছাড়িয়ে আনবে, তোমরা লেখাপড়া শেখো, মানুষ নামের যোগ্য হও . আমি মা,

আশীর্বাদ করছি তোমাদের ছংখের দিন শীগগির কেটে
যাবে !

ধাঙড়, বাউরী ও মুচিদের মেয়েরা এসে ভীড় ক'রে দাঁড়িয়েছে
উঠনে, হৈমবতী গীতা পড়ে গল্লের ছলে বোৰাবেন ওদের,
বোৰাবেন দেশের মহীয়সী নারীদের কথা ; প্রতিদিন ঠিক
এমনি সময়ে ওরা আসে, মন্ত্রমুক্তের মত শুনে যায় ধর্ষের কথা ;
সহজ ক'রে, মিষ্টি ক'রে ধীরে ধীরে ব'লে যান হৈমবতী, ওরা
বুঝতে পারে : চোখ ছাপিয়ে জল আসে কখনো, কখনো প্রফুল্ল
হাসিতে ভরে উঠে মুখ ।

মা উঠে গিয়ে শাখ নিয়ে এসে বাজালেন : তুলসীমঞ্চে
প্রদীপ দিলেন : তারপর মহাভারতখানা নিয়ে এসে ব'সলেন :
তারা ঘিরে ব'সলো তার চারিপাশে ।

স্বোচ্ছ

সত্যব্রতের স্কুলের কাজও ভাল চলছিল ; সঙ্কোর পর
পাড়ার ধাঙড়, বাউরী ও মুচিদের ছোটবড় বেটাছেলেরা বই
খাতা নিয়ে স্কুলে আসে, পড়ে, লেখে, অঙ্ক কসে, স্মৃতি কাটে
চরকায়, তাঁতে কাপড় বুনতে শেখে, মাঝে মাঝে দিনের বেলায়
এসে বেতের বাঁশের ঝুড়ি বোনে তারা । কয়েক বছর ধ'রে
ভাল ফসল হচ্ছিল না সারা জেলায় ; অজন্মার আশঙ্কা দেখা
দিতেই পড়াশুনার উৎসাহে ভাঁটার টান দেখা দিল যেন ;
সত্যব্রত ও তার সঙ্গীরা কারণ বুঝলো এর ; ভাল ভাল দেখে

কৃষি বিষয়ক বই আনিয়ে ফেললো। তারা : নিজেদের বাড়ীর চারিপাশে পতিত জমির ওপর লাঙ্গল চাষ, মাটির চাক ভেঙ্গে জল সেচ ক'রে, সার দিয়ে তারা পরীক্ষা ও পর্যবেক্ষণ করতে লাগলো ; উৎসাহী, কর্ম্মঠ, বুদ্ধিমান তরুণের হাতের স্পর্শে কাঁকুরে অনুর্বর মাটিও যেন সজীব সবুজ হয়ে উঠলো ফসলে, লাউ, কুমড়ো, বিঙ্গে আরও কত কি তরকারীও, সেইসঙ্গে কলাই বরবটি যে সময়ের যে ফসল ; তাদের সাফল্য আবার টেনে আনলো প্রতিবেশীদের : তারা শিখতে চাইল জমিকে সজীব করার, উর্বর করার কৌশল ; লেখাপড়া, সূতো কাটা, তাঁত বোনার সঙ্গে, কৃষিবিদ্যা এবং তার উন্নতির উপায়ও নির্দ্দারণ করতে লাগলো তারা। বাগানের অদূরে প্রতিবেশী বাড়ী, ধাঙড় ও মুচিদের নিয়ে এরা কিছুদিনের অন্তর্ভুক্ত পরিশ্রমে একটা দীঘি কেটে ফেললো ; টিল্টলে স্বচ্ছ জল তার ! মানুষের চেষ্টা, মানুষের পরিশ্রম মানুষের সম্মিলিত শক্তিতে কী না হতে পারে জগতে ! মা দীঘির ধারে বাগানের ভেতর দাঁড়িয়ে কাঁচস্বচ্ছ জলের দিকে তাকিয়ে আছেন উদাস চোখে, শ্রীমন্তের চোখছচ্ছ মনে পড়ে ; তার চোখও অমনি স্বচ্ছ ছিল, চোখের ভেতর দিয়ে নির্মল অন্তরটি পর্যান্ত যেন দেখা যেত তার ! কখন সত্যব্রত এসে মায়ের পাশে দাঁড়িয়েছে, মা জানতে পারেননি, হঠাৎ পাশে ডাক শুনে ফিরে তাকালেন মা ।

—কি বাবা ?

—কাল আমাদের এই দীঘির প্রতিষ্ঠা-উৎসব ; আমরা কয়েকদিন ধরে সহরের বাড়ী বাড়ী ঘুরে চাল, ডাল, তরকারী,

কাপড় ও টাকাকড়ি যোগাড় করেছি, তাই দিয়ে কালকের উৎসবে
আমাদের প্রতিবেশীদের থাওয়ানো হবে।

— সেত' খুব ভালো কথা ; খুব আনন্দের কথা বাবা।

— আর আমাদের দীঘির কি নামকরণ করেছি জানো মা ?

মা জিজ্ঞাসু দৃষ্টিতে তাকিয়ে থাকলেন ; সত্যব্রত ধীরে ধীরে
বললে—শ্রীমন্তদীঘিঃ এর জল আশে পাশের এবং দূরাগতদের
তেষ্টা মেটাবে, এর জল দিয়ে দরিদ্রনারায়ণের তৃঝা-নিবারণ হবে,
এর জল দেবতার মাথায় পড়বে—শ্রীমন্তদার শুভ্র এর থেকে
ভালো ক'রে আর কি করে রাখা যেত মা ?

— শুভ্র ! মা হাসলেন, অত্যন্ত বেদনাক্ষিট হাসি ; তোকে
যদি আমার অন্তরের ভেতরটা দেখাতে পারতাম ; তবে বুঝতিস
শুভ্র দগদগে হয়ে আছে এখনো।

সত্যব্রত চুপ করে থাকলো।

সত্ত্বে

এমনি দিনে দীর্ঘ কারাবাসের পর জেল থেকে বেরিয়ে এলো
গোলাম মহম্মদ, শ্রীমন্তের সহপাঠী বঙ্গু ও সহকর্মী এই মুসলমান
ছেলেটিকে মা দেখে আসছেন ছেলেবেলা থেকে, যখন গ্রাম্য
পাঠশালায় শ্রীমন্ত ও মহম্মদ একসঙ্গে পড়ত ; তাদের বঙ্গুত্তের
নিবিড়তা এত বেশী ছিল যে বাইরের লোকের দেখে বোঝার
উপায় ছিল না যে, শ্রীমন্ত ও মহম্মদের মাঝখানে জাতিত্বের
ব্যবধান আছে, হৈমবতীর কোলে বসে দুটী ছেলে একসঙ্গে
মুড়ির মোয়া খেয়েছে, এই নিয়ে হৈমবতীকে গ্রাম্য সমাজের

কাছে কম জবাবদিহি করতে হয়নি ; কিন্তু শ্রীমন্তের মা হৈমবতীর অস্তরটা কোমল হলেও তাঁর বাইরের চেহারায় এমন একটা গান্ধীর্ঘ্যের ও আভিজাত্যের বর্ষ্ম ছিল, যার জন্মে কেউ তাঁর মুখের উপর জোর করে কথা বলতে সাহস করত না ; ব'লে বসলেও হৈমবতী এমন দৃঢ়তার সঙ্গে জবাব দিতেন যে, অভিযোগকারীকে মাথা নীচু ক'রে ফিরে যেতে হ'ত ।

গ্রামের সমাজের মাথা বড়ানন শিরোমণি একদিন পিছনে দলবল নিয়ে দুপুরবেলায় অতর্কিংতে হানা দিলেন হৈমবতীর কুটীরে : বারান্দায় বসে তিনি তখন রামায়ণ প'ড়ছেন, শ্রীমন্ত ও মহম্মদ মার্কেল খেলছে উঠোনে ; হঠাৎ ছায়া পড়ায় হৈমবতী চোখ তুলে তাকিয়ে ঘোমটাটা টেনে দিলেন ; শিরোমণি একটু গলাটা ঝোড়ে নিয়ে বললেন—তোমার কাছে একটা বিশেষ কারণে এলাম বৌমা ; তুমি হলে গিয়ে বিধবা মানুষ, একটু ধর্মকর্ষে মতি রাখা তোমার উচিত নয় কি ?

হৈমবতী বললেন—অধর্মের কাজ কিছু করেছি বলে ত' মনে পড়ে না আমার !

শিরোমণি একটু টোক গিলে ব'ললেন—তা' নয়, তা' নয়, এই ব'লছিলাম মুসলমান ছেলেটির কথা, ওটাকে ঘরে আসতে দেওয়া, কোলে বসিয়ে খাওয়ানো লোকের চোখে ত' এগুলো ভাল ঠেকে না, যতই হ'ক বিজ্ঞাতি !

হৈমবতীর চোখে যেন বিহ্যৎ খেলে গিয়েছিল তিনি ব'ললেন —তাদের চোখে কি ভাল ঠেকে না ঠেকে তা' নিয়ে আমার কিছু যায় আসে না, মহম্মদকে আমি পেটে না ধরলেও ও আমাকে মা

ব'লে ডাকে ; ও আমাৰ ছেলে, শ্ৰীমন্তেৰ ভাই ! ভবিষ্যতে
ওৱ সম্বন্ধে আমাকে কিছু বলতে আসবেন না আপনাৰা !

সেই গোলাম মহম্মদ আজ একশ বৎসরেৰ যুবক ; শ্ৰীমন্তেৰ
সঙ্গে অসহযোগ আন্দোলনে যোগ দেওয়াৰ জন্মে, বিপ্লবেৰ স্ফটি
কৱাৰ জন্মে তাৰও কাৰাৰাবাস হয়েছিল ; ছুটি বিভিন্ন জেলে
হৃজনকে বন্দী রাখা হয়েছিল দীৰ্ঘকাল ; জেল থেকে বেরিয়েই
শ্ৰীমন্তেৰ খবৰ নিতে এলো মহম্মদঃ গায়ে খদ্দৱেৰ পাঞ্জাবী,
পৱণে খদ্দৱেৰ ধূতি, মাথায় খদ্দৱেৰ টুপি, দেখে চেনবাৰ উপায়
নেই মুসলমান ব'লে ।

সত্যব্রত তাঁতেৰ কাজ শেখাচ্ছিল বাউৰী ও ধাঙড়দেৱ
ছেলেদেৱ ; হঠাৎ অপৰিচিত যুবককে আসতে দেখে জিজ্ঞাসু
দৃষ্টিতে তাকালো তাৰ পানে ; আগন্তক স্মিত হাস্যেৰ সঙ্গে
নমস্কাৰ কৱে বললে—শ্ৰীমন্ত আছে ?

—না ! ধৰা গলায় সত্যব্রত বললে ।

—সে কি এখনো জেল থেকে খালাস হয়নি ?

—তিনি মুক্তি নিয়েছেন শুধু জেল থেকে নয়, পৃথিবী
থেকে ; নিৰ্মূল, নিৰ্মম নিৰ্য্যাতনেৰ হাত থেকে ; জেলেৰ মধ্যে
যক্ষা হয়ে মাৰা গেছেন তিনি !

বাঁশেৰ খুঁটিটা ধৰে মাটীতে বসে পড়লো আগন্তকঃ চোখ
ছুটি ছাপিয়ে জল এলো তাৰ ; মুখ ও চোখ মুছে নিয়ে ব'ললে—
আমাৰ মা আছেন ? · শ্ৰীমন্তেৰ মা ?

—হ্যাঁ তিনি আছেন ভেতৱে !

—তাঁকে বলুন যে তাঁৰ আৱ একটি ছেলে গোলাম মহম্মদ

জেল থেকে ফিরে এসেছে ! কথার মাঝখানেই মা এসে
দাঢ়ালেন দাওয়ায় : জ্ঞান হেসে বললেন—ফিরে এসেছ বাবা ?
ভগবান তোমার মঙ্গল করুন : কিন্তু সে ত নেই ! মাকে
প্রণাম করতে উঠে মায়ের পায়ে মুখ গুঁজে ফুঁপিয়ে কাঁদতে
লাগলো মহশ্বদ ! মা তাকে হাত ধ'রে তুলে চোখের জল
মুছিয়ে দিলেন। আর্তকণ্ঠে বললেন, ওরে আমার দিকে
তাকিয়ে দেখ, আমি মা হ'য়ে কি ক'রে তাকে ভুলে আছি !
শুধু তোদের মুখ চেয়ে বাবা !

আচ্ছাদন

মা মহশ্বদকে আশ্রমের ভিতরে নিয়ে গেলেন : চারিদিকে
তাকিয়ে অবাক হ'য়ে গেল মহশ্বদ : সত্যব্রতের দিকে ফিরে
ব'ললে...এ ক'বছরে আমাদের কুটীরটিকে যে আপনারা স্বর্গ
ক'রে তুলেছেন !

সত্যব্রত জ্ঞান হাসলো—আমরা বিশেষ কিছু করিনি :
আমাদের তথাকথিত নীচ জাতিরা তাদের চেষ্টা ও পরিশ্রমে এ
আশ্রম গ'ড়ে তুলেছে ।

মা ব'ললেন—তুমি সত্যব্রতকে আপনি বোলো না মহশ্বদ, ও
তোমাদের ছোট ভাই, শ্রীমন্তের মরণশয্যায় জেলের ভেতর ওকে
পেয়েছিলাম ; তা'কে হারানোর ছঃখ, ও আমাকে অনুভব
করতে দেয়নি গভীরভাবে ।

ভেতরের বারান্দায় সারবন্দী চরকায় সূতো কাটছে মেয়েরা,
একপাশে কয়েকজন ঝুঁড়ি বুনছে, বেতের চুবড়ি তৈরী করছে ;

সেইদিকে তাকিয়ে মা ব'ললেন—বাপ গোড়া সনাতনপন্থী, সরকারী ‘চাকুরে’, জেলের ডাঙ্গার...আর ঠাঁরই ছেলে সত্যব্রত, অন্তরে তা’র কোথায় বিদ্রোহ জমা ছিল, বিপ্লবের প্রতি আকর্ষণ ছিল, দেশের প্রতি হৃদয়ের টান ছিল, বুবতে পারা যায়নি : শ্রীমন্তের শেষ শয্যায় ও গিয়ে হঠাৎ দাঢ়ালো, ওর মধ্যে, ওর চোখে দেখলাম তোমাদের একই আদর্শ যেন খেলা করছে : ফিরিয়ে দিতে চেয়েছিলাম আমি, ও ফেরেনি। আর সত্যব্রত এই সেই গোলাম মহসূদ, শ্রীমন্তের ভাই, আমার আর একটি ছেলে, এর কথাই তোমাকে বলেছিলাম...।

শ্রীমন্ত-দীঘির জলে বাতাসের ছোয়ায় টেউ উঠছিল, ছোট ছোট ভাঙ্গা ভাঙ্গা টেউ : মা, গোলাম মহসূদ ও সত্যব্রত গিয়ে দাঢ়ালো দীঘির ধারে ; বিস্তি চোখে তাকিয়ে মহসূদ জিজেন ক’রলো—এ পুকুর কাটলো কবে, যা বার সময় ত’ দেখে যাইনি !

মা সত্যব্রত্যক দেখিয়ে বললেন—এই ছেলেটির প্রেরণায় এ কুটীরবাসী অস্পৃশ্যেরা এ দীঘি কেটেছে, ওদের তৃষ্ণা মিটেছে এর জলে, আমার সন্তানহারা অন্তরের জালা শীতল করেছে এই দীঘির জল, সত্যব্রত এ দীঘির নামকরণ করেছে তার নামে—শ্রীমন্ত-দীঘি ! মহসূদের চোখে কয়েক ফোটা জল গড়িয়ে প’ড়লো : মনে হ’লো সে আর শ্রীমন্ত যেমন একই মায়ের কোলে ব’সে খেয়ে প’রে মানুষ হ’য়েছে, ওপারে হয়ত শ্রীমন্তকে তেমনি মুসলমানের আল্লা ও হিন্দুর ভগবান পাশাপাশি ব’সে তাকে কোলে টেনে নিয়েছেন ।

উল্লিখণ

বাংলায় একটা কথা আছে “বাবে ছুঁলে আঠারো ঘা,”
তেমনি একবার পুলিশের সুনজরে প’ড়লে আর রক্ষা নেই ;
ছলে, বলে, কৌশলে ওরা তাদের কার্য্যসিদ্ধি করার চেষ্টা
করবেই। দিনকয়েক পূর্বে “মাতৃ-আশ্রম” থানাতল্লাসী ক’রে
পুলিশ আপত্তিকর কিছুট পায়নি। শুধু একখানা “বিপ্লবের
ইতিহাস” পেয়েছিল, যার উপর সরকারের বিধিনিষেধ ছিল।
কিন্তু সে বইয়ের মালিক শ্রীমন্ত সেন সরকারের রক্তচক্ষু ও
শাসনের নাগপাণি ছিন্ন ক’রে, তার তিনমাস পূর্বে উপরে পাড়ি
দিয়েছিলেন, কাজেই তার বিরুদ্ধে মামলা থাঢ়া ক’রে, জুলুম
ক’রে কার্য্য সিদ্ধি করা তাদের পক্ষে সন্তুষ্পর হ’য়ে উঠেনি। ১০০
সেইসঙ্গে আর একটি ছেলের নাম সরকারী থানার থাতাপত্রে
লেখা ছিল, সত্যব্রত রায়ঃ দারোগা কেন যে তাকে ‘বেনিফিট
অফ ডাউট’ বলে ছেড়ে দিয়েছিলো, নৃতন দারোগা থানার চার্জ
নিয়ে তার কোনও হদিশই করতে পারলে না। উপরন্তু তার
মনে একটা সন্দেহ জাগলো, হয়ত ঐ লোকটির কাছ থেকে
পূর্বতন দারোগা মোটা টাকা পকেটস্থ করেছিলোঃ চেষ্টা করলে
সেই সত্যব্রত রায়কে পুনরায় গ্রেপ্তার ক’রে কিছু টাকা পকেটস্থ
ক’রেও পদোন্নতি ক’রে নেওয়ার ক্ষীণ আশা তার অন্তরে
জাগলো। নৃতন দারোগা পরদিনই তৈরী হ’য়ে নিলে। মফঃস্বল
সহরে এ ধরণের কেস সচরাচর পাওয়া যায় না, বিপ্লবী ও
রাজবাড়ীদের ধরিয়ে দিয়ে কারাকক্ষ করতে পারলে প্রমোশনের

আশু সজ্জাবনা ! দারোগা পুনরায় খাতা ওল্টালো, ঠিকানা নিতে গিয়ে তার দৃষ্টি একটি নামের ওপর নিবন্ধ হয়ে গেল, শ্রীযোগেশ-চন্দ্ৰ রায়...আমাদের এখানের জেলডাক্তার বাবু নাকি ? আসামী সত্যব্রতের পিতার নাম প'ড়ে তার মনে দ্বিধা জাগলো,...জেল ডাক্তার বাবু তার দূর সম্পর্কীয় আত্মীয় ।

পরক্ষণে মন থেকে দ্বিধা বেড়ে ফেলে দিলে : স্থির করে নিলে সরকারী খাতায় অকপটে লিখে দেবে তার নিকট-আত্মীয়ের এবং সরকারী চাকুরের ছেলে সত্যব্রতকে বিপ্লবী ও রাজনৈতিক জেনে কর্তব্যের অনুরোধে গ্রেপ্তার করতে বাধ্য হ'য়েছে !

ভোর রাত্রে “মাতৃ আশ্রম” পুনরায় ঘিরে ফেললো পুলিশ। গাছে গাছে কাক পাখীরা জেগে উঠে সাড়া জাগলো। আকাশ ফস্বী হয়ে আসছিল প্রভাতের আবির্ভাবে। ভোর রাত্রে ঘূম ভাঙ্গতেই সত্যব্রতের, জানলাটা খুলতেই ঘূম ভাঙ্গা চোখ মেলে সে দেখলো বাইরে সারবন্দী পুলিশ আশ্রম ঘিরে দাঁড়িয়ে আছে।

কুড়ি

আর এক দফা নৃতন ক'রে সার্চ ক'রলো পুলিশ, সমস্ত আশ্রম তন্ম তন্ম ক'রে ঘুঁটে তছ্নচ্ছ ক'রে ফেললো। সত্যব্রতের ঘরটিতে সত্যব্রতের পাশের বিছানায় রাত্রে ঘুমিয়েছিল মহম্মদ। তাকে সতর্ক ক'রে দেবার সময়ও পায়নি সত্যব্রত, যখন তাকে উঠিয়েছিল, পুলিশ তখন খোলা জানলার বাইরে দাঁড়িয়ে সতর্ক চোখে ভেতরের দিকে তাকিয়ে আছে, একদল ভেতরে ঢুকেছে : হ'জনকে সত্যব্রতের ঘরে মোতায়েন রেখে

বাকী ঘরগুলি সার্চ ক'রলো দারোগা। অবশেষে এই ঘরটি সার্চ করতে চুকলো, এঁদের দিকে স্থির দৃষ্টিতে তাকিয়ে নিলে একবার....সত্যব্রতের বিছানাটা তত্ত্ব থেকে মাটিতে ফেললে ছুড়ে। আপত্তিকর কিছু না পেয়ে যেন ক্ষেপে গিয়েছিলো সে, হঠাৎ পাশের বিছানা তুলতে গিয়ে যেন সাপ দেখে ছিটকে গিয়ে কৌশলী সাপুড়ের মত এগিয়ে এলো। বালিশের ফাঁক দিয়ে একটি রিভল্ভারের নল চক্ চক্ ক'রে উঠলো ! সেটা তুলে নিলে দারোগা, ঘুরিয়ে ফিরিয়ে দেখতে লাগলো...তারপর চোখ তুলে সত্যব্রত ও মহম্মদের পানে তাকালো।

মহম্মদ ধীর অকম্পিত কণ্ঠে ব'ললে—এ রিভল্ভার আমার।
—লাইসেন্স আছে, এর ?

—না, এটা আমার আত্মরক্ষার জিনিয়, নিজস্ব অধিকারে রেখেছি। আমি পরশু জেল থেকে বেরিয়েছি, কাল সন্ধ্যায় এখানে এসেছি, এ রিভল্ভারের সঙ্গে, মালিকের সঙ্গে এ আশ্রম-বাসীদের কোনও সম্পর্ক নেই। আমাকে অ্যারেষ্ট করুন !

সত্যব্রত স্থির হয়ে দাঢ়িয়ে থাকলো। কখন মা এসে দাঢ়িয়েছেন কেউ টের পায়নি। মায়ের চোখে গালে জলের রেখা দেখে সত্যব্রত ও মহম্মদ স্তম্ভিত হ'য়ে গেল, শ্রীমন্তি মরার দিন থেকে আজ পর্যন্ত কেউ তাকে কাঁদতে দেখেনি। আজ তিনি কাঁদছেন কিসের বেদনায় ?

সত্যব্রত ভাবলো দীর্ঘ কারাবাসের পর তাঁর একান্ত ম্বেহের পাত্র মহম্মদকে ফিরে পেয়ে তাকে আবার হারানোর আশঙ্কায় মা কাঁদছেন !

মহামুদ ভাবলো। অহিংস অসহযোগের কর্মী আমি, দেশসেবা আমার ধর্ম। আমার হাতে নরহত্যার অন্ত দেখেই কি মায়ের প্রাণে বেদনা বেজেছে ?

হঠাৎ সকলকে স্তুপ্তি ও বিশ্বিত ক'রে দিয়ে দৃশ্টিপৌত্রে সত্যব্রত আগিয়ে এলো : ব'ললে, যে যাই বলুক দারোগাবাবু ! এ রিভল্যুৱার আমার। আমি আঘাসমর্পণ করছি, ছেলে মানুষ হ'লেও আমি বিপ্লবী !

দারোগা কিন্তু কোনও কথাই শুনলোনা, ছজনকেই গ্রেপ্তার করলো।

প্রতিবেশী মুচি মুদ্দোফরাস ও ধাঙড়ুরা লাঠি সড়কি নিয়ে ঝুঁকে দাঢ়িয়েছে আবার : পুলিশের হাতেও ছটি বন্দুক ! প্রতিবেশীরা মায়ের কাছে অনুমতি চাইতে লাগলো—তুমি হুকুম দাওনা একবার : তারপর একবার দেখে নিই, কেমন উয়ারা দাদাবাবুদের ধরে নিয়ে যায়, আর উহাদের বন্দুকে কত গুলি আছে !

মা এসে মাঝখানে দাঢ়ালেন, পুলিশ ও প্রতিবেশীদের, উভয় দলই প্রস্তুত : মা বললেন—যদি শক্তির পরীক্ষা করতে হয়, তবে মাকে বধ করে তোমাদের শক্তির পরীক্ষা দিতে হবে আগে : পারবে তোমরা ?

লাঠি ও সড়কি হাতে মাথা নীচু করে তারা নিজেদের ঘরের ভিতর চলে গেল। গোলাম মহামুদ ও সত্যব্রতকে গ্রেপ্তার করে নিয়ে গেল পুলিশ। মায়ের চোখে যেন সমস্ত পৃথিবীটা শূন্য হয়ে গেছে।

গ্রন্থ

বিচার চলছিলঃ জেলডাক্তারের ডাক প'ড়লো তাঁর ছেলের
কাজের জবাবদিহি করতে, তাঁর সন্তানের বিরুদ্ধে সাক্ষী দিতে !
চাকরির বন্ধন ও স্নেহ নিয়ে টানাটানি চললো জেল ডাক্তারের
অন্তরেঃ পুরু চশমার কাঁচের ভিতরে চোখ ছুটি বার বার জলে
ভরে উঠতে লাগলো, অবচেতন পিতৃসন্দয়ের সন্তানের প্রতি
ভালবাসার বেদন !

বিচারক প্রশ্ন করলেন—সরকারপক্ষ থেকে আপনার ছেলের
ওপর নজর রাখিবার আদেশ হয়েছিল আপনার ওপরে ?

জেলডাক্তার ঘাড় নেড়ে জানালেন—হ্যাঁ। প্রায় তিরিশ
বছর তিনি বিভিন্ন জেলে ডাক্তারী করেছেনঃ কত জেলে
হত্যাকাণ্ডের বন্দীদের অনশনের সাক্ষী দিতে তাঁকে কাঠগড়ায়
দাঁড়াতে হয়েছে; এ কাজে তাই আর তাঁর ভয় হয় না।

উকিল প্রশ্ন করলেন—নজর রাখেননি কেন ?

—নজর ঠিকই রেখেছিলামঃ—অকম্পত গলায় ডাক্তার
বললেন—দেখলাম সে যে পথে চলেছে, সেই ঠিক পথ, শ্বায়ের
পথ ! আদর্শ পথ !

বিচারক, উকিল থেকে সমস্ত বিচারকক্ষ উত্তর ওনে স্তুতি
হয়ে গেলঃ সকলের যেন নিঃশ্বাস বন্ধ হয়ে গেছে ! গোলাম
মহম্মদ ও সত্যব্রত অবাক হ'য়ে তাকিয়ে থাকলো। আসামীর
কাঠগড়ায় দাঁড়িয়ে সত্যব্রত বলতে গেল—আমি যা করেছি
নিজের দায়িত্বে—

হাত তুলে বিচারক তাকে থামিয়ে দিলেন : তারপর জেল ডাক্তারকে বিদ্রূপভরা কঠে প্রশ্ন করলেন—তবে কি আপনি বলতে চান, আপনার ছেলে যা করেছে খুব ভালো কাজ করেছে, এবং এতে আপনার সমর্থন আছে ?

জেল ডাক্তার বললেন—হ্যাঁ তাই : আমি অন্তরের সঙ্গে আশীর্বাদ করছি দেশের এমনি ছেলেদের ! তিরিশ বছর বিভিন্ন জেলে চাকরি করা হ'য়ে গেল আমার,...বৃক্ষের কণ্ঠস্বর কাঁপতে লাগলো—যেদিন থেকে রাজবন্দীরা জেলে আসতে স্ফুরণ করেছে, সেদিন থেকে তা'দের শ্লোপয়সনিং ক'রে শক্তিহীন ক'রে তোলা ; অমুখের সময় ভাল ওষুধ না দিতে দেওয়া, মুমুক্ষু রাজবন্দীদের শরীরে মরফিয়া ইনজেক্ট ক'রে তাকে বধ করা, সবই আমার হাত দিয়ে সরকার করিয়ে নিয়েছেন ! নিজের দেশে, স্বাধীন-ভাবে মানুষ বাঁচতে পারে না ! মানুষ হ'য়ে মানুষের অধিকার থেকে বঞ্চিত হবে এবং দেশের যে সব ছেলে, দেশবাসীকে সেই অধিকার এনে দেবার জগ্নে মাথা তুলে দাঁড়াবে, তা'রা হবে রাজজ্ঞোহী ! বিপ্লবী ! এ কি রুকম আইন !” বিচারক নোট করছিলেন, সাক্ষীর জবানবন্দী : হঠাৎ মাথা তুলে বললেন—জানেন, এর থেকে আপনার কি হ'তে পারে ?—জানি বৈকি ! সরকারের অধীনে দীর্ঘদিন চাকরি ক'রে সেটুকু অভিজ্ঞতা আমার হয়েছে ; হয়ত সরকার আমার পেনসন বন্ধ করে দেবেন, জুলুম করবেন পুলিশ লাগিয়ে, শেষ পর্যন্ত কারাকক্ষ করবেন। যে কারাগারে আমার হাতের ছুঁচের বিষ দেশের ছেলেদের মেরেছে, সেই কারাগারে মরতে পেলেই আমার প্রায়শিক্ত হবে !

বাইশ

দীর্ঘ মেয়াদে সাজা হ'য়ে গেল সত্যব্রত ও গোলাম
মহম্মদের ! “বন্দেমাতরম্” ধ্বনির সঙ্গে তাদের জেলের গেট
পর্যন্ত পৌছে দিলে অগণিত জনতা ; ডাক্তারও সঙ্গে সঙ্গে
এলেন ; আজ পরণে তাঁর কোট-প্যান্ট সাহেবী পোষাক নেই,
ধূতি-পাঞ্জাবী-চাদর গায়ে দিয়ে তিনি সাক্ষী দিতে গিয়েছিলেন,
সেই পোষাকেই পায়ে হেঁটে এদের সঙ্গে জেলের গেট পর্যন্ত
এলেন ; নিকটেই তাঁর কোয়ার্টার ;—বাড়ীর মেয়েরা সত্যব্রতকে
ধ'রে আনতে দেখে কেঁদে উঠলো : ডাক্তার এগিয়ে গেলেন—
ছিঃ ! কি ক'রছ তোমরা ! আজ কি কাঁদবার দিন, না এই
কাঁদবার সময় ! শাক বাজা ও, ফুলের মালা আর চন্দন দিয়ে
বরণ ক'রে ছেলেদের জেলে পাঠাও ; ইংরেজের প্রত্যেকটি ইট,
পাপের রক্ত মাখানো ; শৈগ্রিষ জিনিষপত্র গুছিয়ে নিয়ে
কোয়ার্টার ছেড়ে এসে বাইরে ঢাঢ়াও !

সত্যব্রতের কাছে আগিয়ে গিয়ে জিজেস করলেন—দিদি
কোথায় আছেন রে সত্য ?

—মা ? মা আছেন মাতৃ-আশ্রমে : তুমি তাঁকে দেখো
বাবা !

—দেখবো নাই, তা আবার দেখবো না ! তোর এ বুড়ো
বাপের চোখ কে খুলে দিলে বল দেখি ?—এ দিদি, তোদের
সকলের মা !—আমি যে সকলকে নিয়ে ওখানেই গিয়ে উঠছি :

আমাৰ যা কিছু সঞ্চয় আছে সারাজীবনেৱ, তোদেৱ মাত্-
আশ্রমেৱ কাজে লাগাবো ।

গোলাম মহম্মদ ও সত্যব্রত প্রণাম ক'রলো তাঁকে ।

এমন সময় লাল কাঁকৱে পথেৱ উপৱ দিয়ে জেলখানা
অভিমুখে একটি ফিটন গাড়ী আস্বতে দেখা গেল ; তাৱ পাদানন্দিত
ও কোচবাঞ্চে চারটি তথাকথিত অস্পৃশ্য লোক, যেন দেশমাতা
তাঁৰ অনাদৃত, উপেক্ষিত সন্তানদেৱ সঙ্গে নিয়ে গাড়ী থেকে
এসে নামলেন ; মা নেমে এলেন গাড়ী থেকে : বাইৱে থেকে
দেখে বোৰবাৱ উপায় ছিল না, তাঁৰ অন্তৱে ঝড় বইছিল তখন ;
ধীৱ কষ্টে বললেন—আশীৰ্বাদ কৱতে এলাম তোদেৱ ; জেলে
যাবাৱ আগে একবাৱ চোখেৱ দেখা দেখতে এলাম ; কতদিন
দেখতে পাৰোনা কে জানে !

সত্যব্রত বলতে গেল—আমাৰ বাবা.....

মা থামিয়ে দিয়ে বললেন—হঁ শুনেছি সবঃ ওঁৱ এই
পৱিণতিই আশা কৱেছিলাম বাবা ! তোৱা ত ওঁকে চিনতে
পাৱলিনে, বাইৱেটাই দেখলি, অন্তৱটা যে ওৱ কত কোমল,
ক্রীমস্তৰে অস্তুখেৱ সময় আমি তা দেখেছি !

তেইশ

গোলাম মহম্মদ ও সত্যব্রতেৱ জেল হওয়ায় দু'দিন পৱে
“মাত্-আশ্রমেৱ” দৱজায় দু'খানা ঘোড়াৱ গাড়ী এসে দাঁড়ালো
জিনিষপত্ৰ ও মেয়েছেলে বোৰাই হয়ে ; গাড়ী থেকে প্ৰথমেই
জেলডাক্তাৱ, উঠোনে এসে ডাকলেন—দিদি কোথায় গো ?

—এই যে ভাই, আশুন !

—সকলকে নিয়ে তোমার আশ্রয়েই চলে এলাম : ক'দিন
আর বাঁচবো তার ত স্থির নেই, বয়স হয়েছে... ছেলেমেয়েদের
ত আর মানুষ করে যেতে পারবো না ; সে ভার তোমার
উপরই দিয়ে যাবো দিদি !

সত্যব্রতের মা ও ভাইবোনেরও এসে দাঢ়ালো তাঁর
পিছনে ; সকলকে ভিতরে নিয়ে গেলেন হৈমবতী ; আন্তরিক-
তার সঙ্গে গ্রহণ করলেন তাঁদের সকলকে : বললেন—এ ত বড়
সৌভাগ্যের কথা ভাই ! দেশের কাজের জন্যে এতগুলো
ছেলেমেয়ে একসঙ্গে পাওয়া কি কম সৌভাগ্যের কথা ? তাছাড়া
ছেলে ছুটি আমার জেলে গেল, ... ওদের কাজ দেখবার জন্যেও
ত লোকের দরকার !

—সব মোহ কাটিয়ে চলে এলাম দিদি : ও পাপের পয়সা
আর দরকার নেই ; পেনসন বন্ধ ক'রে দিলে ওরা, দিক :
আমার প্রতিডেট ফাণের আর নিজের সঞ্চয়ের টাকাগুলি
তোমাকে দিচ্ছি, দেশের কাজে, এই মাতৃ-আশ্রমের উন্নতির
কাজে লাগিয়ো ; ... এখানে দেশের যত অস্পৃশ্যদের, যত
অনাদৃতদের, দরিদ্রনারায়ণদের তুমি চোখ খুলে দেওয়ার, মানুষ
করার দায়িত্বার নিয়েছ, একথা শুনে বড় আনন্দ হয়েছে দিদি !

জেলডাক্তারের প্রতি সরকারের কোপ, তাঁর পেনসন বন্ধ
ক'রেই ক্ষান্ত হ'ল না ; তিনি “মাতৃ-মন্দিরে” আসবার কয়েকদিন
পরেই বিপ্লবীদল ও অসহযোগ কংগ্রেস আন্দোলনে জড়িত
থাকার অপরাধে পুলিশ এসে তাঁকে গ্রেপ্তার ক'রে নিয়ে গেল :

তিরিশ বছরের রাজভক্তির পুরস্কার হ'ল তাঁর রাজদণ্ড, রাজ-প্রতিনিধি, বিচারকের বিচারে চার বৎসর সশ্রম কারাদণ্ডের আদেশ হ'ল তাঁর ! ডাক্তার আত্মপক্ষ সমর্থনের জন্য কোনও উকিল পর্যন্ত দিলেন না ; স্থানীয় ছেলেরা তাঁকে মুক্ত করার চেষ্টা করেছিল ; তিনি বাধা দিয়ে বলেছিলেন—না বাবা, এটা আমার রাজভক্তির নায় পুরস্কার !

চরিত্রশ

... পঞ্চাশ বৎসরের ঘোগেশচন্দ্র রায় তাঁর শক্তির শেষবিন্দু সরকারী কাজে নিয়োজিত করেছিলেন : আজ সেই সরকারের শাসনের শৃঙ্খল প'রে তিনি কারাকন্দ হলেন : তাঁকে অমানুষিক পরিশ্রমের কাজ দেওয়া হতে লাগলো জেলে ; গোলাম মহম্মদ ও সত্যব্রত তাঁকে সাহায্য করতে এলে কারা-রক্ষীরা বাধা দিত ; মাঝে মাঝে এসে জেল সুপারিষিটেণ্ট বলতেন—ক্ষমা, চেয়ে নিন । ডাক্তারবাবু, তিরিশ বছর কাজ করেছেন সরকারের অধীনে.....আপনার সাজা মকুব হয়ে যাবে । দস্তহীন মুখে প্রাক্তন জেলডাক্তার হাসেন.....হ'হাতে ছুটি জলভর্তি বালতি নিয়ে জেলের পোষাকে বৃদ্ধকে অপূর্ব দেখায় : তিনি যেন কোন অদৃশ্যলোক থেকে অফুরন্ত শক্তি সঞ্চয় করেছেন ।

হেসে তিনি বললেন—ক্ষমা চাইবো কার কাছে ? অগ্রায় ত করিনি ; বরং তাঁরাই আমাকে দিয়ে অনেক অগ্রায় করিয়ে

নিয়েছেন.....দেশের অনেক তরুণ যুবককে হত্যা করিয়েছেন,
সেকথা ভুলিনি আমি !

নিম্নপায় ভাব দেখিয়ে জেলসুপারিটেন্ট বলেন—তবে
আমরাও নিম্নপায়ঃ আমরাও ত হকুমের চাকর !....পেটের দায়
মশায়ঃ যা বলবে, তাই করতে হবে আমাদের। আপনাকে
যে একটু কম খাটুনির কাজ দেবো, তার উপায় কি আছে :
ওপর থেকে কড়া চিঠি এসেছে.....লেট্ হিম্ রিপেন্ট ফর্
হোয়াট হি হ্যাঙ্গ ডান্স !

—অনুশোচনা কারাবাসের জন্যে মোটেই হয়নি, হবেও না,
অনুশোচনা হয়েছে, যে সময়টা সরকারী চাকুরির মোহে ক্ষতি
করে বসেছিলাম সেই সময়টার জন্যে, তখন থেকে যদি দেশের
কাজ করতাম আজ দেশ কত আগিয়ে যেত বলুন দেখি !

জেল সুপারিটেন্ট আগিয়ে যানঃ বৃন্দ যোগেশচন্দ্ৰ
বাগানের গাছে জল দিতে থাকেন, তরুণ ছোক্ৰা একটি ডাক্তার
এসেছে তাঁর জায়গায়, বড় ভাল ছেলেঃ কত সন্ত্রমের চক্ষে
দেখে যোগেশবাবুকে, কত পরামৰ্শ নেয়ঃ তাঁকে রায় মহাশয়
ব'লে ডাকে। ডাক্তারটি প্রায়ই এসে ছলছুতায় তাঁকে ডেকে
নিয়ে গিয়ে তাঁকে পরীক্ষা করার অঙ্গীয়ান তাঁকে কিছুক্ষণ বিশ্রাম
দেয়, গল্প করেঃ বলে দেশের স্বাধীনতা কে চায় না বলুন, শিশু
থেকে বৃন্দ পর্যন্ত ; কিন্তু আপনার ছেলে সত্যত্বতের, গোলাম
মহম্মদের এবং আপনার মতন দেশাত্মবোধ ক'জনের থাকে ?—
কিন্তু নতুন ডাক্তার একটু দ্বিধা করেন—আপনার হাট সাউণ্ড
কয়েকদিন থেকে নর্ম্ম্যাল পাচ্ছি না ; কেমন যেন একটু র্যাপিড,

বিট ! আমি গর্ভমেঘের কাছে রেকমেও করবো আপনার
মুক্তির জন্মে !

মান হেসে যোগেশচন্দ্র বলেন—কিছু ফল হবে না ভায়া,
উপরন্ত তোমার উপরও রোখ চেপে যাবে গর্ভমেঘের !

তরুণ ডাক্তারটি হতাশভাবে তাকিয়ে থাকেন।

পঁচিশ

যোগেশচন্দ্রের বার্ষিক্যজীর্ণ দেহ কারাবাসের ক্লেশ ও
নির্ধ্যাতন বেশীদিন সহ করতে পারেনি ; নতুন ডাক্তারের কথা
সত্য হ'য়ে উঠে,...তাঁর হৃদরোগ দেখা দেয় ; কয়েকদিনের
মধ্যেই তিনি শয্যা গ্রহণ করেন। গোলাম মহম্মদ ও সত্যাঞ্জত
তাঁর রোগশয্যার পাশে এসে বসে ; জেলমুপারিটেণ্ট তাঁদের
অনুমতি দেন যোগেশচন্দ্রের সেবা ও পরিচর্যা করার। কোনও
ওষুধে বিশেষ কাজ হয়নি, তাঁর অবস্থা দিন দিন আশঙ্কাজনক
হয়ে উঠতে থাকে। তাঁর ছেলেমেয়েরা ও হৈমবতী তাঁর পাশে
থাকবার অনুমতি ভিক্ষা করেন সরকারের কাছে, তাঁকে দেখে
আসবার অনুমতি দেন তাঁরা, মাত্র কয়েক ঘণ্টার জন্মে। তরুণ
ডাক্তারটি তাঁর জন্মে বল চেষ্টা করেন ; যোগেশচন্দ্র মান
হাসেন—বুঝাই চেষ্টা করছ ভায়া...ছেদা বজরায় কি জল ধরে !
....আর কিন্তু কোনও দুঃখ নেই আমার ; শেষে ক'দিন স্বদেশ
ও জাতির সেবা করে যেতে পারলাম, ছেলেদের সঙ্গে একসঙ্গে
কারাক্লেশ তোগ করলাম...বেশ কাটল !

সত্যব্রত ব'ললে, আপনার শেষজীবনে এই কষ্টের জন্মে
আমিই অনেকাংশে দায়ী বাবা।

যোগেশচন্দ্র বুকটা চেপে ধরে হাসেন—নারে, তোদের শিক্ষা,
তোদের আদর্শ অনেক বড়। আমাদের যুগের পর তোদের যুগের
হাওয়া অনেক বদলেছে, তাই আমাদের যুগের মাপকাঠিতে
তোদের কাজের বিচার করা ভুলই হ'য়েছিল আমার।... মনে
পড়ে তোর,—দিদি একদিন এখানে বসেই এই কথা
বলেছিলেন?—মহম্মদ! কাছে স'রে এস বাবা, তোমাকে
ভাল ক'রে দেখিঃ তুমি শ্রীমন্তের বন্ধু; সরকারের আদেশে
আমি শ্রীমন্তকে শ্লো পয়সনিং ক'রেছিলাম, জানো তুমি? তার
মরণোন্মুখ অবস্থায় তার মৃত্যুকে আগিয়ে দিতে মরফিয়া
ইন্জেক্সন করতে গিয়েছিলাম,...এ সতাটা সত্যব্রত তোমার
কাছে প্রকাশ করেনি। বুকটা চেপে ধ'রে উঠে ব'সতে চেষ্টা
করলেন যোগেশচন্দ্র অস্তিরভাবে; উঠতে পারলেন না;
বিছানার ওপর প'ড়ে গেলেন—‘ওঁ’, একটা আর্তনাদ বেঙ্গলো
মুখ দিয়ে।

তরুণ ডাক্তার বললেন, এখনো সামান্য প্রাণ আছে রোগীরঃ
বলুন “বন্দেমাতরম্।” ঘূর্মিয়ে পড়লেন যোগেশচন্দ্র মহানিদ্রায়;
সে ঘূর্ম কি স্বাধীনতার শুভ দিনে? ওপারের পাশে দুঁড়িয়ে
এপারের নব অঞ্জনোদয় কি তিনি দেখতে পারিয়ে?—

